

晚晴籟詩匯

第十二册

晚晴簃詩匯卷二十八目錄

錢陸燦 二首

計東 五首

吳兆騫 九首

王雲明 一首

魏力仁 一首

張擘 二首

李珪 一首

任繩魂 六首

李天馥 十七首

熊賜履 六首

陳廷敬 十三首

杜臻 二首

屠粹忠 四首

鄭重 一首

魏雙鳳 一首

趙崙 二首

陳肇昌 一首

張貞生 一首

王遵訓 二首

蕭惟豫 四首

杜鎮 一首

王曰高 二首

于憊 一首

戴王縉 一首

劉果 三首

高暉 二首

吳淇 三首

林雲銘 五首

羅孫燿 二首

張一鶴 三首

侯體隨 一首

鄒祇謨 六首

魯紹連 二首

晚晴移詩匯卷二十八

徐世昌

錢陸燦字爾弼號湘靈常熟人順治丁酉舉人

沈歸愚曰湘靈爲牧齋族子其詩不爲虞山派所縛別調獨彈夏夏自異毗陵學詩者多宗之

與袁穉庵唐祖命方爾止張瑤星余淡心黃俞卞諸

君子集牡丹花下

前歲花時渡江去去歲吳門三月暮三度花開一度看今年恰在金陵住金陵舊是帝王都歲歲花開如畫圖此花又殿春風後朱衣王謝相傳呼一筵釀費中人產一花千人萬人眼金盤綵籃共貽贈招邀名士分折柬永和蘭亭金谷園月落檀板催金尊百尺烏絲長到地清辭豔句爭飛翻得所穠花易消歇子規啼血栖霞宮闕無復天彭百馱

花王孫五勝埋香國花殘人散可憐春十處園林九處塵  
欲往城南訪耆舊酒徒零落空芳辰太史園中花百種紅  
敲綠捧花頭重花神有意洗妝遲要勒詞頭固君寵諸公  
同日看花來鄧生酒甕還重開廿年無此好事者無詩不  
飲那能回酒醉詩成花欲語明歲花開待予汝春雨春風  
作主人鸞飄鳳泊同羈旅

金陵柳枝詞

柳絲嬾嬾復蕭蕭三月秦淮舊板橋北里燒殘人又嫁不  
須風雨也無聊

計東字甫草號改亭吳江人順治丁酉舉人有改亭集

詩話甫草從汪蒼女游又謁湯潛庵講程朱之學以  
經世自負過邾下拜謝茂秦墓傾橐金爲修葺題詩  
而去沈歸愚論詩絕句有云眇目山人足性靈詩盟  
寒後苦飄零後來誰弔荒墳者只有吳江計改亭

豫讓橋

秋盡蓬山慘不驕  
流泉夾岸夕陽遙  
傷心國土酬恩地  
瘦馬單衫豫讓橋

宣府中元夜卽事

邊月新秋夜哀音  
四面齊戰場多舊鬼  
野祭有遺黎  
柝亂愁人聽風驚  
倦鳥棲遙遙天漢上  
河鼓漸垂西

宣府逢立秋

秋氣吾所愛  
邊城太早寒  
披裘三伏慣  
擁被五更殘  
風自長城落  
天連大漠寬  
摩霄羨鷹隼  
健翮爾飛搏

鄴城弔謝茂秦山人

鄴中懷古正秋風  
詞賦深慚謝氏工  
生欲移家辭白雪  
沒隨疑冢對青楓  
諸王禮數何常絕  
七子交期竟不終  
自是

貴游無遠識布衣未必歎飄蓬

答雲間蔣馭閣

西陵原上憶經過  
屈首從君學九歌  
豈意邊書警御宿  
遂令複壁老山阿  
破家張儉飄零久  
質保王成辛苦多  
今夕相逢還道故  
數聲鶴唳起庭柯

吳兆騫字漢槎吳江人順治丁酉舉人有秋笳集

詩話漢槎意氣傲岸不可一世卒以是賈禍詩爲健菴漁洋所稱許驚才絕艷冠其脩偶梅村目迦陵漢槎及華亭彭師度爲三鳳鳳出塞後詩境沈雄得朔方蒼莽之氣少工駢體其長白山賦足摩班張之壘

榆關老翁行

榆關酒樓臨大衢  
征人日暮行駐車  
鹿裘老翁鬢成雪  
夾轂相逢問里閭  
乍聞吳語三太息  
坐我樓頭話疇昔  
自云家世本吳中  
住近張王舊宮側  
少年追逐冶游場  
破產徵

歌意無惜沙家槍稍冠江南學得梨花推第一技成好作  
關河游販繪幾度來邊州燕姬十五芙蓉色彈箏夜夜酣  
高樓一曲紅綃醉中擲囊空典卻千金裘三載邊庭履霜  
露飄搖短褐誰相顧途窮不忍到鄉關卻向軍中應征募  
金羈翠眊繡螭弧名隸渡遠第三部關前上將霍將軍遣  
向松山守烽住孤城接關無時休鐵甲中宵帶冰卧老邊  
牆直長城隈梯衝百道如山來甯前列屯晝城閉旌旗黯  
慘紛黃埃雄邊健兒十三萬鼓聲欲死弓難開磧西降丁  
最翹健日暮分營夜催戰吁嗟萬騎無人回射盡平州鐵  
絲箭曙光瞳瞳海生綠戰血無聲注空谷嚴霜如刀箭如  
蝟欲上戎鞍淚交續堅城旣墮將軍降幾部殘兵向南哭  
相隨散卒臨渝城橫刀更隸龍驤營倏忽長安易朝市關



門不用防秋兵從此飄零脫軍伍種豆鋤葵學農圃且將  
衰齒託雞豚幸免微軀飼豺虎去年有客來燕京傳道江  
南亦被兵故國他鄉盡荆棘窮黎何處還聊生伊昔姑蘇  
城畔住門前小店臨江樹半生羈戍塞垣秋夢斷吳關舊  
行處今日逢君遼水北被褐驅車欲安適白頭邊語久侏  
儻重聽鄉音涕橫臆悽惶嶺外北風哀莽莽邊沙路何極  
沽酒邀君君莫辭天涯相見且相悲莫嫌憔悴窮邊叟猶  
是吳趨市上兒

同諸公登中後所戍樓

若爲荒戍駐征軺縱目烽樓野色遙萬里川原迷大漠百  
年亭堠識前朝平沙暮捲山頭樹落日晴翻海上潮倚堞  
卻尋南首路漢關迢遞已雲霄

同陳子長坐氈帳中話吳門舊游愴然作歌

遼城四月春風來黃鸝嗁樹梨花開陳生邀我郭南去笑  
騎鞍馬雙徘徊沙場黯黯日將暮半醉歸來解鞍卧氈牆  
誰撥鷓鴣絃彈作商聲淚交墮憶昨故鄉百不憂命儔嘯  
侶吳趨游裁詩每題白團扇縱酒欲賭青羔裘沙棠之漿  
雲母舟美人玉袖搗箜篌金窗銀燭月未午清歌窈窕無  
時休就中少年三五輩徐郎顧子稱風流孤側帽傾土  
女正平搖筆凌王侯百年行樂竟誰在淒涼邊地傷離愁  
只今相對休悒悒人生苦樂猶迴掌隴西將軍困醉尉邯  
鄲才人辱廝養古來憔悴多名流吾輩何悲棄榛莽君纔  
弱冠我盛年可憐淪落俱冰天舊游一別已如兩陰關萬  
里徒含煙寄哀欲託庾信賦賞音空憶鍾期絃金樽有酒

且沈醉何須惆悵風塵前

海郎山靈湫神女歌

山頂有公主臺遺址

海郎山色倚巉巖山半靈湫映曉嵐公主舊臺餘翠岫神  
女新祠傍綠潭神女嬋娟豔瑤彩霏煙曳月迷年載怨入  
青蛾憶漢宮魂依白鶴長遼海含睇凝情不可親乘風颯  
颯如有人虛無瓊珮空山雨杳渺鸞驂絕島雲和親當日  
悲登隴遺恨千秋塵瀆洞寶鏡何時別紫闥玉衣無處尋  
青冢松花檉葉小祠荒繡帳無人春日長鴉翅髮垂宮樣  
髻虎章腰結羽人妝香粉長筵醉芳醕巫女如花下靈語  
踏露時聞石馬嘶騰波自共冰嬈舞一曲迎神蘆管愁年  
年賽火海東頭望鄉莫更歌黃鶴紅粉魂歸塞雨秋

早秋陪諸公游密將山

招邀出郭門青山殊未已金鞍小騎何連翩人影遙遙翠  
微裏翠微一望延層巒深松伏澗相風湍飛泉半挂銀河  
殘秋嵐散入芙蓉寒石門黯黯金花裂隔溪蒼翠時明滅  
回風絕壁森晝陰六月空濛見殘雪西峯百尺寒崖鬼振  
衣欲上觀蓬萊黃雲泱泱動海色樓船射鯨安在哉松花  
江水流浩浩千秋戰骨關山道龍堆狼望空嗟我飛將動  
名歸蔓草昨夜秋風吹塞天臨潢萬樹生寒煙金笳玉笛  
起愁思邊心四據空茫然安得仙槎泛清淺乘流直度支  
機前壯士無家誰不憐李陵已向陰沙沒逢萌空稅遼東  
田君不見徽宗埋骨空江曲遺冢蒼茫走麋鹿徽宗家在五圍城西  
良岳風流亦一時黃沙玉柙無人哭萬乘飄零且復然吾  
生那更悲窮谷擊筑高歌出塞辭何如楚客吹參差眼前

有酒且不飲迢遙漫作鄉關思紫駟嚼齧當風嘶爲君重  
進金屈卮醉卧青山且莫歸明朝秋雪吹人衣

送人歸遼東

送爾驅征馬離亭葉已飛雲山三歲別風雨一人歸磧晚  
黃羊少關寒白雁稀蒼茫望遼海今日是王畿

游西山蘭若二十韻

四禪分浩劫雙樹啟香津地湧龍沙古宮開鹿苑新寶鈴  
流塞雨金刹照邊春窈窕丹檻合峻嶒碧嶂鄰下堂鐘送  
客歸院樹迎人仙梵消兵氣天花灑戰塵瀑泉喧月曉山  
磬靜霜晨咒食聞禽下繙經見虎馴果肥風破甲松勁雪  
生鱗座凝逢師子林應集雁臣南宗壇卓錫西竺字函銀  
香散沐天畔僧歸沙海濱嘯聲疑藥老碑製想王巾共道

城爲化誰憐里是貧白毫徒彷彿阜帽自逡巡已昧生還  
日空悲老去身神人甯夢漢逐客未歸秦涕淚瞻慈像飯  
依請梵輪祇林誰抖擻朔野此沈淪何日吳中寺長齋禮  
應眞

置酒歌

臨潢城頭暮吹笛北斗闌千月將出金吾置酒坐北堂銀  
鞍召客何輝煌織成罽幙芙蓉捲紫氍新茵獸文輭黃羊  
作饌堆金盤青驪桐酒揮犀椀筵前火照明星稀凝筵急  
管紛相依錦衣如霧聲絳蔡寶刀拂露光霏微須臾月東  
吐留賓坐搥鼓還褰丹綺帷更出紅妝女金鈿曜紫貂珠  
珪襲青鼠的皜芳脣歌便娟細腰舞沈沈芳夜闌惻惻北  
風彈青蛾扇底蹙素指絃上寒哀絃聲屢闕靈蚪水頻咽

但願羅袖歡詎惜珠纓絕酒闌華幕坐欲移徘徊落月秋  
河低錦鏡車馬縱橫去應照香塵繞路飛

白頭宮女行

長安女尼妙音者本崇禎時舊宮人後出居民間祝髮於北城甲申三月及宮

相國居址接近嘗出入相國家述青紗幕外約釵中舊事甚悉又言宮中侍姬都以青紗幕外約釵猶昭陽故物也今年戊子余以謗議械繫都官而相國亦以他事下吏因與其鬪君直方子長相見酒酣耳熱爲言妙音予既自傷讒枉復聞妙音之事悲紅粉之飄零感羈人之淪落乃連綴其詞作爲長歌以傳於樂府云

長安女冠頭似雪曳地黃紵懸百結手執金經淚暗垂云  
是前朝舊宮妾一朝充選入披香倭墮新梳內殿妝低鬟  
自惜青蟲小繫臂愁看絳纒長當年御極方清晏宮中屢  
啟催花宴雲母屏開見舞人水晶簾捲低歌扇歌舞年年  
樂事殊森沈寶幄挂流蘇北宮漫閱魚龍戲東絹頻臨螻

蝶圖圖史紛披間珠翠深宮鎮日長無事鵲顧書從女史  
傳鸞雛釵向昭儀賜昭儀明豔獨承權促坐金牀倚笑看  
燈簇九微長侍輦妝成七寶自凭闌闌前羅綺紛紛成列阿  
監才人幾分別玉墀草細打毬高珠箔花深吹管徹景福  
宮前細柳垂瓊軒不閉共追隨繡鐙纏髮嬌試馬綠綈隱  
几倦彈棋春花秋月年華換掖庭寂寞腸堪斷素手繡書  
教小王紅顏對食憐同伴自從羽檄擾秦川遂使官家少  
晏眠五夜刺閨頻報警三春合殿罷開筵幾載天顏慘不  
樂中宵獨坐占芒角礮火新開內教場詔書屢下文淵閣  
閣門封事日紛紛督府潼關復覆軍幾部黃巾殘豫楚干  
羣青犢下宣雲宣雲處處名城墮倒戈自啟居庸鎖闕下  
交馳告急書殿前望斷平安火軍鋒倏忽逼神京一夜都



人已數驚內苑左貂羣揖盜團營飛騎半翻城城上弓刀  
爭內向蒼黃無復蓬萊仗獨御金鞭視九門空頽鐵券封  
諸將白馬青袍捲地來君王長歎下平臺日詔內人從避  
寇手持愛子共銜哀可憐十葉漢天子海竭山崩竟如此  
複壁甯教伏后藏佩刀自刺清河死珠傷玉碎滿會城宮  
車無那赤龍迎猶有黃門會殉主豈知紫闥竟屯兵自憐  
白首深宮住欲問家山渺歸路潛脫霓裳出九重卻尋月  
徑依雙樹一託香臺已十秋每談遺事自生愁室中漫禮  
金仙席夢裏還隨玉輦游惆悵生年邁陽九戒珠持徧甘  
衰朽仙家龍種尙飄零賤妾蛾眉亦何有我來故國幾沾  
翰摩挲銅狄北風酸昭陽舊侍悲通德長樂姬人識佩蘭  
從古存亡堪太息淒涼無處尋遺跡麥秀偏傷過客情柘

枝遷下宮人泣

王雲明字聖能西華人順治丁酉舉人官黃安知縣有習陽集

留別黃安父老

鄉思縈長夜天恩放老夫涓埃甯萬一鷗鳥且江湖猶憶觸蠻鬪但憑牛馬呼衰顏休攬鏡壯志罷張弧琴鶴仍無恙壺漿儼在途生還眞似夢此別莫長吁旣遇蒼鷹擊敢云白璧誣諸君情自切三月政全無善守清時法勿忘舊令迂可封期比戶握手暫躊躇

魏力仁字山公南樂人順治丁酉舉人官廬江知縣登狼山

勝地名山壓海門山形迴合五狼蹲南瞻吳會江光白東

望扶桑日氣昏外府魚鹽增課稅不庭烏窟長兒孫清時  
防禦勞宸算特遣嫖姚鎮大藩

張樞南和人順治丁酉舉人由教諭歷官國子監助教  
仙井

百尺寒泉平地生高臺古木遶風清自從至正投符後雲  
霧空濛鎖玉京

澧水

淼淼煙波入畫圖黃魚白鳥泛青蒲千家茅屋臨流水十  
里香稻在鏡湖

李珪字鶴汀渠縣人順治丁酉舉人官甯德知縣有說  
劍齋集

送王孝先入秦幕

江上相逢春草滿，橋邊送別暮禽鳴。  
黃雲隴樹千峯隔，落日邊山一劍行。  
漢時幾年猶置驛，秦關百里未休兵。  
丈夫還有蒼生志，爲看陳琳草檄文。

任繩隗字青際，號植齋。宜興人。順治丁酉舉人。有直木

齋集

詩話青際，倚聲亦有名。與陳其年唱和最多。周旋於張西銘，尤展成之間。年輩頗高。

清明日游崑山

崑山一片石，巉秀稱奇絕。不使土附之，削膚僅存骨。捫蘿數十盤，宛轉踞其脊。流雲溼松杉，迴繞佛壇出。眼前無華嶽，此亦去天尺。所以慣游人，不如乍來客。佳人飄縞帶，湘佩穿林陌。婉約故可憐，含淒况寒食。春風吹古道，芳草眠殘碣。車馬雖復喧，荒原自空碧。我能眞賞見，山靈不獨尋。

常寄游跡鐘聲日暮下燈龕遲卻十年來面壁

上巳夜虎邱舟中社集卽席賦呈吳梅邨先生

上巳由來紀勝游春深帶月共登舟詩從河嶽爭千古人是中原第一流錦纜似隨雙劍合玉簫還傍夜珠浮諸君視昔能無感風景依然晉代愁

今夕豈非良宴會關西江左共登壇

時涇陽武緯天張公輔同在座星臨

萬舸傳杯暎劍聚雙龍出匣寒酒到夜深生氣槩詩成水際得波瀾相看各有行藏意金馬何嘗卻釣竿

清明日繞道登俞山謁墓

看山不厭取途寬百折登臨欲上難石馬昔時增氣象豐碑今日念衣冠鶯愁落照照高樹磬逐歸雲下佛壇極目可憐惟灌莽爲誰禁火食猶寒

同人集曹蓋臣致遠堂分韻得開字

城頭日落晚鐘催  
寒夜陽春動地回  
白髮自憐知己舊  
青樽誰爲故人開  
座中俠氣干霄上  
牆外書聲度幕來  
相勸莫辭金谷數  
試看百罰有深杯

平原謁顏魯公祠

尙書遺像肅威神  
瞻拜猶能起後人  
萬里乾坤存正氣  
七朝培植出宗臣  
東藩指顧山河日  
西向從容捧詔辰  
老至愈堅薑桂性  
生平大節在君親

李天馥字湘北號容齋永城籍合肥人順治戊戌進士  
改庶吉士授檢討官至武英殿大學士兼吏部尙書  
諡文定有容齋集

詩話王漁洋云容齋相國服闋入都其壬戌諸門生  
已多通顯置酒新第讀學史胄司卽席賦詩曰卽君

館閣稱前輩子門牆半列卿蓋紀實也平生遭際  
聖明陶寫風雅故其詩經緯史而皆以雍容淵秀  
出之古詩排宕詰曲似少陵昌黎近體格律神韻俱  
在王杜間其託辭近而寓意遠一唱三歎玉節金和  
風颯乎盛世  
之元音也

古意

南望臨廣野見此山與河河水深以長高山復峩峩秋風  
木葉下鴻雁當天過物象殊清迥憑弔憂思多雲樹不可  
極我心勞如何

春日

端居寡營尙悠然澹心情百年感逆旅何爲勞吾生忽聞  
春風至有酒急須傾醉卧東窗下階前一鳥鳴

退谷

偶隨泉聲行還逐泉聲止泉聲近不鳴清流石齒齒孤亭

俯層巔滿階紅葉委萬籟動笙竽嵐光生澗底秋氣入夕  
佳微涼耽徙倚蓬瀛想金仙薜荔弔山鬼此地昔流觴高  
會擬曲水我來悄無人空山落松子望遠貧無窮念往情  
何已兀兀碧檻前坐看溪雲起

廣應寺

在西山明內瑞  
建後皆瑤墳

秋雲壓山山欲低山光倒瀉青琉璃遶麓松枝老龍怒奔  
濤捲地風淒淒古殿陰森影金粟月黑深廊飛蝙蝠北接  
荒原豕縱橫枯榛斷莽土花綠幽崖寂寞清露墮永夜虛  
林生野火當日觀軍出使人賢愚魂魄空山鎖

送宋荔裳按察四川

前歲相逢廣陵道競渡初過君發早去年再遇芍藥開陳  
榻同飲說同浮菖蒲杯君今出使復重五人生離合真奇



哉轉眼留連曾幾日赤靈朱勝傷俄乖多君客邸偏好客

自譜新詞駭鬼伯

在獄譜劇膽炙人口

大第名園徵舊歡急管繁絃

度闌夕間爲詩歌據上頭一時作者皆辟易王家兄弟

謂阮

仲亭

用火攻九辯君稱老折衝子亦弱冠爲長句結好輒

復慚山東方調琴樽頻過從詎爾洽蜀借文翁蜀道天上  
九千里重江曲棧何窮已翼馬峩眉繡絡驕龍船灑灑牙  
檣駛西陲按部外臺尊況復金躔稱俗美輒塵漠漠廣甯  
門如雲供帳羅高軒男兒得意屈羣力朱輪綺蓋何翻翻  
君到莫作巫山賦侈辯雄風驚峽雨長途願贈紀行詩知  
君臨水登山處

重游西山

列岫參差出西風款段輕雲中看鶴影樹杪覓泉聲野曠

增鄉思山深冷宦情此君相別久蹤跡愧平生

送高念東少司寇

立朝無幾去安之信是先生素不羈自謂何妨行我法誰  
能稍勸合時宜蠻中子舍歸偏早海上神山約未遲從此  
祥刑成往事岱雲徠竹費相思

樓桑村懷古同說巖

衰草寒煙望裏孤樓桑遺跡未全燕帝鄉羞屬黃初歷王  
氣猶延赤伏符國士風流成據蜀宗臣魚水失吞吳嘯鵲  
舊恨蠶叢遠此地惟聞叫野烏

董岐卿侍讀參莫經略軍事經略卒于軍獨獲免歸  
朝詩以慰之

誰使參軍度井陘無端左省罷談經下帷未及成繁露入

蜀偏驚落大星鳥鼠烽高秋嶺綠魚鳧戰苦野燐青孟王  
僭黨多降表回首連雲悔建瓴

野獵

羽騎參差小隊開黃雲城闕射生來光飛楊柳雕弧冷聲  
徹林皋畫角哀曉日忽騰雙虎疾秋風斜掣一雕迴更思  
逐逸前村去爲語琵琶莫浪催

九日公馭招游祖家園同芝麓先輩石臞阮亭玉隨  
玉蚪賦

佳辰同作出郊游野菊香風到馬頭十里疏鐘空際落千  
峯晴黛望中收煙寒林麓紅檣老霜滿鄉關白雁秋脫帽  
狂吟驚少長好山載酒一淹留

送洪昉思南還

未薦深慙蚤見知，漢廷空羨騎郎貴。誰言此輩宜高束，不信斯人獨數奇。南國烽煙萱草夢，西陵雨雪竹枝詞。逢迎應有游閒遇，憶爾寒江繫楫時。

輓王西樵司勳

西樵有十笏草堂詩集

消息驚傳鵬賦成，悠悠天道意難平。不禁秋夜汎瀾淚，何限春明縞紵情。十笏縹緗空舊草，百年霜露又前生。觥船遽覺司勳夢，無復江湖載酒行。

終古斯人竟寂寥，山陽遠笛冷清宵。煙霞痼疾成長別，蘭茝歸來下大招。封禪鴻篇新恨杳，燃脂花史舊香消。應劉去後風流散，挂劍空悲墓道遙。

感懷

把酒閒吟祇自寬，小窗香爇意闌珊。明河未落雲生淺，華

露無聲月上寒禁地論思傷老大塞垣烽火悵艱難南樓  
舊屬平津勝幾度臨風想治安

同說巖憩天甯寺浮圖贈點石上人

命侶尋幽白紙坊雙懸塔影訝奇光

此處一行耽細馬藤塔二影

燕路坐愛枯禪薜荔牆一氣鴻濛連海嶽數株松柏閱隋

唐老僧都未知名姓何必城南意獨傷

喜聞秦蜀捷音同說巖賦

鳥道艱難阻碧雞孤城一片隴雲低綠林初保黃花谷赤  
幟遙連白馬氏空壁雄風頻逐北護軍聲價又安西霓旌  
光啟蠶叢路從此長鯨鬻水犀

熊賜履字敬修又字青嶽號愚齋孝感人順治戊戌進  
士改庶吉士授檢討官至東閣大學士太子太保諡

文端有藻修堂集

詩話文端治宋五子之學見契景陵屢以正學宿  
學見衰當官獻替侃侃無所撓中爲同官所齟齬亦  
嘗被彈事集有感懷詩云愆伏恆無定陰晴不待猜  
螢流疑閃電蚊聚勝轟雷蓋卽此時作景陵諒其  
無他腸始終眷顧不以浮言動也謀修堂爲御  
書賜額卽以名集詩冲和雅令颯颯治世之音

臨泉漁人輓歌

先生家住團風裏  
笞簪婆娑照江水  
年年欸乃洞庭濱  
信口吟成槎上史  
泛泛蘭舟一葉飛  
西風吹入潯陽埃  
垂綸高挂洪塘鯊  
投竿引出白溝鮪  
滄溟何處不煙波  
揚子磯頭舟可艤  
抱甕丈人山下逢  
開尊共話羲皇理  
天地爲籠江海眾  
涓渚嚴灘安足齒  
何況茈茈上谷驕  
飄然返樞麻溪沚  
歸來不脫舊時蓑  
一夕乘槎棄如屣  
蘆花自白峯自青  
七十年來夢泡耳  
楚些一曲哀江頭  
思君不見悲風起

雨夜懷人

寒宵苦獨酌，憶汝復誰親。爲念詩情冷，應知道味真。殘煙籠野色，細雨暗江春。何日過桑牖，花間共飲醇。

春亭對雨柬于皇

草堂花意近，風雨亂春晴。修竹搖空冷，殘梅入望清。煙霞本故物，邱壑自多情。鹿鹿爲者輸，君學晚成。

金山

十年思勝地，此日試登臨。海氣侵雲溼，江光帶雨深。甯堪方外想，粗了未來心。倚檻頻忒眺，陰風動客襟。

焦山

人隱偏名地，山靈轉姓焦。偶然通帝座，遂爾逼雲霄。邱壑風煙老，江湖歲月遙。我來尋古洞，披石坐松巖。

吳園六朝松

六朝銷廢盡剩此一株松石劈蒼根冷脂乾白蘚封團煙  
巢鶴鶴老幹逼虬龍薄暮婆娑下清颺動遠鐘

陳廷敬字子端號說巖澤州人順治戊戌進士改庶吉  
士授檢討官至文淵閣大學士兼吏部尙書諡文貞  
有尊聞堂集

詩話文貞入翰林後頗負詩名有入家詩鈔之刻掌  
院事時一日與王漁洋同入內殿聖祖命各賦詩  
故集中有句云昔與王侍郎受詔並爲詩時王尙爲  
戶部侍郎也其詩固難與漁洋並駕然亦具有根柢  
不同凡響

十五夜北山見過有懷孫吳二子

昔者與孫吳翫月城西亭蕭蕭天風來萬里搖青冥寒空  
盪圓魄驚鳥羣悲鳴明鐙曜曲房淥酒淒以清短歌易懷



慨良時傷我情  
奄忽浮雲馳躑躅  
東南征光景不可駐  
奔落如流星  
二子渺江湖  
芳顏坐凋零  
四海何寂寥  
獨處思平生  
惟我與君子  
綢繆結至精  
遙夜命儔匹  
羽觴羅中庭  
清淺河漢流  
金波正泠泠  
濡翰發妙製  
朱絃激新聲  
今日不爲樂  
別後徒屏營

龍泉寺下院

日隱原上邨  
秋陰起桑柘  
杳杳隨煙鐘  
悠悠遠峯下  
境空放梵長  
天迴飛雲瀉  
松門晚色靜  
碧草淨可藉  
風吹籬邊花  
寒香正盈把  
薄游涉清曠  
所歷向瀟灑  
樂幽抵嗜芟  
味道如啖蔗  
至人患有身  
矧復簪纓假  
息心同冥寥  
聊此繫吾馬

梅花用坡公次李公擇韻

寒夜凜客心雞鳴車轂動節往如逝湍光景一玩弄頗愛  
幽窗梅著花破嚴凍天公憐寂寞物能競喧闐飛霜點衣  
裘風埃暗驕從我生構散徒不材因自縱山澤賞四友竹  
徑從二仲息景偃東岡獲享水石貢冷梅坼冰雪析析柯  
屢重卧壓短檐日疏影雜禽哢有時但孤吟祇供樵薪諷  
默想苦寒夜戚若念前痛光寵謝少俊鞍馬事上雍未招  
羅浮魂驟牽春明夢何當十年計遠屋手漑種春風吹白  
日羲馭不得鞋別後綺窗前何人鐙火共枝間挂桐花池  
上蹲老鳳遙憶黃葉山誰掃青螺洞待我花下歸白酒釀  
百瓮

憶樊川梅花用東坡松風亭梅花韻

半林喬木樊川邨數株梅花牽蔓魂媼娥靡曼不挂眼天

桃野杏爲狂昏一廬未安揚子宅五畝欲老香山園玉妃  
鬢髻露身手暗香冷豔來相溫有時先生春睡美綺窗喚  
起驚朝暎經寒故嘗卻羅幔避風勤與關柴門翻笑孤山  
林處士擁衾對花花無言只今人去花寂寞誰憐落月閒  
清尊

書湘北秋水漁父圖

吾聞瀟湘洞庭煙塵中滄洲不合容漁翁今之畫圖尙復  
爾孤舟渺渺寒林東遠峯青冥水雲白秋樹蒼莽楓葉赤  
草木曾無戰伐愁谿山欲老菰蘆客李生雅好江海奇張  
颿鼓檝游何時且當結束事鞍馬與子射獵南山陲

城南黑龍潭寺西樓對酒歌

春殘龍尾橫斜道羸驂退食隨年少文書叢裏過東風欲

寫幽懷何處好天晴古陂南城南城陰水碧金沙潭是日  
宿雨林景澹微波流影青於藍寺前野亭向冥寞狂飈吹  
塵暗廖廓雜花紅蕊寒且禁幸不逢花悵零落亭中裊窈  
西樓開遠煙空翠山光來漢陂波濤琉璃色漢江春酒蒲  
桃醅直須對此銜金杯槌琴擊筑心徒哀蒼茫萬事渺如  
昨幾度落日軒轅臺鳳兮栖栖不得意東山繡斧流言忌  
古來賢聖亦復爾醉舞高歌吾老矣回頭笑謝新少年一  
生羞爲時人憐

晚過楊編脩爾茂

驅車巷南來巷東寺西老樹斜陽紅黃葉到門落可數秋  
色入眼庭華濃故人憐我心跡同開顏握手霜天空論文  
細欲靠玉屑說劍壯可生雄風竟須瀟灑微官外休論艱

難萬事中感君義氣相裴回古來賢達甘塵埃蕭蕭易水  
風增哀蔓草已沒黃金臺男兒在時得錢勤買醉不見古  
人白骨纏蒼苔

贈韓少室山人

沁川先生嘗樂飢一生高視世不羈西崖古道蓬蒿齊小  
亭晝閉春陰移我時徒步往見之顏色渥丹霜鬢滋年近  
九十心膽竒大書灑墨光淋漓短札細字如毫絲方瞳炯  
如熾電垂僊者縹緲高莫追浮邱洪厓世難知吾徒縮手  
歸來時赤松黃石吁可師

菟耳山

馬上盧龍塞鴻邊菟耳山流雲無定日飛雨過重關古木  
生空翠孤峯點細斑征途能暫息絕頂一躋攀

移居懷林澹亭

鬱鬱久居此天涯又卜鄰  
秋花今別汝社燕並辭人  
岑寂長愁地漂搖獨去身  
偶因違咫尺轉益念交親

夏夜懷玉谿舊隱寄張靈璧四輔

三伏向盡朱火藏炎蒸未已愁  
中腸流螢入簾故宛轉明  
星照席何低昂琴書休夏年力  
異藥餌經時歸與長焉得  
清谿千尺水與君濯足臨滄浪

題寶腕畫

晚故推官雲  
明先生子

摩詰遺詩畫意閒  
煙雲粉本有無間  
風流一變添文采  
小

李將軍著色山

春蚓秋蛇蠹尾鉤  
家雞野鷺豈同儔  
祇應落墨驚紈扇  
畫作桓家烏犍牛

杜臻字肇余一字遇徐嘉興人順治戊戌進士改庶吉

士官至禮部尙書有經緯堂集煙霞集

詩話遇徐疆理東南有書紀其事國初一大政也告

歸聖祖書煙霞者舊四字賜之歸田後遂以煙霞

名集詩博大中

時露奇崛之氣

經阜林驛

驛路桐川外林光轉岸容颿檣通楚甸秔稻問吳儂信喜  
軍書斷人歸草舍重揚舫冬日好何必更扶筇

虎門

羊城軍府壯虎寨水聲吞不有三門匯焉知百谷尊春波  
浮日月南斗豁乾坤設險金湯固綢繆報國恩

屠粹忠字純甫號芝巖鄞縣人順治戊戌進士由知縣  
官至兵部尙書有采芝堂詩

詩話芝巖宰封邱以遭河患城廬蕩盡前令率爨舟  
河干蒞事芝巖至誅茅立官署置草舍棲流亡修築  
城垣不兩月諸務畢舉在任十年以最遷禮科給事  
中江南巡撫議題州縣外補芝巖疏言爵賞宜從中  
出與時不合乞終養歸後補兵科遷工科都給事中  
淮揚大水陳便民十要其甲戌服闋北上舟次瓜步  
見一詩極性情

### 宿張道士山房

虛窗近好山山影窺窗隙藤穿古洞幽月過小橋窄放雨  
一旗青堆雲半榻白老樹作人喧新蘿補天闕煨筍及烹  
薇在在皆手澤禽到學書符啄木鳥也客來愁水厄意與石俱  
閒詩隨花共發見我何殷殷云是歲星謫相訂赤城游霞  
光起眉額夜夢入天台玉女共晨夕天台玉女  
峯最勝

### 長嘯歌贈孫雪庵

蘇門先生善長嘯聲出丹田吐靈竅駢闐半嶺鼓吹喧縹



紗中天鸞鳳叫海陵豪客云耳孫廣顙豐頤有奇抱三杯  
耳熱意氣雄仰面蹙口聲轉洪初如幽溪瀉山溜漸如大  
谷吼松風清如滄江鐵笛裂雲石肅如寒天哀角號霜空  
烈如猛虎跑地山月黑壯如靈鼉掀浪海日紅悲如漸離  
擊筑燕人慷慨泣市上慘如荆卿依柱秦帝辟易走宮中  
好坐劍閣戟眉凜冽淒清古雪吹空寒瑟瑟好踞泰山日  
觀悠揚迢遞罡風響入秋冥冥幔亭峯頂使子騫太姥玉  
管金簫千派歇洞庭湖口合湘妃漢女銀箏錦瑟一時停  
仙人猶然愛此聲何況我輩之凡情一嘯愁人能散鬱再  
嘯醉客亦解醒三嘯灑灑塵心失四嘯飄飄道骨輕此聲  
天授非人力開口欲學學不得豈是神丹絳雪調將毋真  
烝黃房植仙家有種甯偶然吾欲挾爾游八極嫌爾太肥

餓令瘠願爾兩腋一朝生羽翼

春暮山行

已惜春將去猶逢花亂飛山疑人面熟鳥喚客愁歸竹影  
侵雲淡溪流帶雨肥何期沾背汗坐石解重衣

甲戌服闋北上舟次瓜步

飯後徐徐摩腹行舟中淡淡覺心清潮因雨過添流急帆  
爲囊空帶月輕鄉夢已隨紅葉去餘哀猶傍白雲生猜知  
客久沙鷗熟既去還來似有情

鄭重字山公建安人順治戊戌進士官至刑部侍郎有

霞園詩草

秋夜宿南山白足軒

清夜疏林寂高吟度遠峯月微兼冷露香燼又殘鐘秋老

山容淡更寒蝶夢空孤燈留信宿半榻白雲封

魏雙鳳字離伯又字陽伯獲鹿人順治戊戌進士由知縣歷官宗人府宗正有南游草

補陀勝境

古寺倚山成雲霞院外生竹搖驚鳥語松響隱泉聲日午行將倦春殘雨復晴敲門僧未覺可是閉關情

趙崙字闔仙號叔公萊陽人順治戊戌進士歷官太常寺少卿有因樹屋集

詩話闔仙爲魯嶺弟以事謫瀋陽卒戍所

金山

一柱砥中流三峯望裏收山光無地接塔影與波浮鷗鷺思依榻江潮欲上樓鐘聲何處是隔岸聽悠悠

井徑道中

夾道萬峯齊勞勞信馬蹏關連函谷北山入太行西積雨  
征衣黯危巖客路迷瞻雲空有淚不敢憶幽棲

陳肇昌字扶昇號省齋黃岡人順治戊戌進士歷官順  
天府尹有秋蓬詩南湖居士集

望是故鄉行次韻送毛子霞隱君歸郢

八尺昂藏一老子短棹蒼江弄煙水占盡風流賣盡癡手  
挽頽波追正始倚馬曾飛羽檄文英雄原上悲殘壘千載  
遭逢吏隱間轉瞬浮雲皆敝屣蘭芷由來楚澤多朝朝採  
擷行還止海內聲華久識君相逢卻在武昌市晴川黃鶴  
幾招邀載月傳箋興無比相如善病復多情白頭紅粉同  
歡倚四壁蕭然不厭貧千金散去渾閒事朝來束書忽告

歸吳頭楚尾知何處笑指郢中是故鄉十幅蒲帆去若咫  
聽雪樓中景物清錦瑟湘簾如畫裏只今赤日拂江長芳  
草王孫行未已勸君緩棹待秋風一片青山何彼此

張貞生字幹臣號箕山廬陵人順治戊戌進士改庶吉

士授編修歷官侍講學士有王山遺響

詩話箕山夙嚴義利之辨家居構我師祠又舍宅爲  
誠意書院康熙九年議遣大臣巡方箕山疏言擾民  
無益以是鑄級卒罷巡  
方之議詩多真摯語

和友游定巖讀書巖諸勝

定光去後杖無蹤獨惹游人篆石宮磴絕連雲三徑別巖  
虛漏月七情空書帷案潤窗前蹟甕牖橋成指上功代遠  
傳聞多涉怪鉢孟信否可降龍

王遵訓字子循號信初西華人順治戊戌進士改庶吉

士官至戶部侍郎有餘清軒詩集

園居

爲客一何久歸來草樹荒  
誅茅開小徑刈棘補頽牆  
几臬爐煙細園饒井曰涼  
卻憐十載事強半滯他方

林壑饒幽勝扶筇意自舒  
湖雲乘曉霽山樹入秋疏  
鳥立沙邊艇人歸柳下廬  
但斟桑落酒何處問樵漁

蕭惟豫字介石號韓坡德州人順治戊戌進士改庶吉

士授編修歷官侍讀有但吟草

詩話韓坡少歷詞垣典試江西督學畿輔清望甚著  
魏敏果以韓坡與陸清獻同薦韓坡因母老假歸遂  
不復出時年方三十有三也其詩不屑屑字句以  
求工而意到筆隨出於自然不煩繩削而自合

登清風臺謁夷齊廟

我立永豐巔首陽向我時  
遂之清風臺以訪墨胎氏  
鬱鬱

松柏林悠悠灤漆水雨洗春色深人入清風裏未食蕨與  
薇安知肉食鄙爲頑與爲廉百年同一死吁嗟黃虞人在  
此不在彼

望南陽湖

縱目煙波千萬頃滿湖漁艇捕魚翁銀河半瀉山爲岸太  
極初分氣作宮挽粟江淮通貢賦合流濟泗競朝宗八垓  
汗漫游何日欲買扁舟住此中

旅店早發

荒村天未曉驚月入窗櫺問夜更將盡思歸人半醒橋頭  
分野徑樹杪點疏星何事爲形役雞鳴馬上聽

夏日園中卽事

晨昏候母安此外便聾啞勝敗兩相忘以金注若瓦萬物

質非銅造化工如冶煩暑不入林園中避炎夏浮雲視豈  
眞松風聽未假六月餘雨澤禾黍被原野二三素心人彈  
琴敲碁者短服復散髮黃庭手常把高枕卧北窗陶潛吾  
師也

杜鎮字子靜南宮人順治戊戌進士歷官翰林院侍讀  
有寶田齋草

懷賈無染隱君

琴書邱壑自閒閒三十年前早閉關未擬陶潛居栗里眞  
如安石卧東山秋風故國懸霜鬢夜月荒臺照旅顏指日  
賦歸尋舊侶相期潁水鹿門間

王曰高字北山荏平人順治戊戌進士改庶吉士授編  
修歷官禮科都給事中有槐軒集



周樸園曰北山詩  
以風趣淡宕爲歸

昭慶寺小閣月夜

同是一輪月湖頭覺更明雲隨風欲墮人與氣俱清入目  
煙光闌澄心曉霧瑩如何方鏡淨滓翳頓然生

吳伯成明府招飲秦園同留僊天士

天然山水地點染作名園樹色千雲秀蛙聲過雨繁看花  
時坐石待月更傾樽我欲忘歸去桃源卽此村

于漣字清漪文登人順治戊戌進士歷官吏部郎中

秋日道中

左輔遙天塞雁過回看秋色近如何豈因白髮高懷減偏  
爲黃花客思多風雨薊門羞老大夢魂衡宇滯關河干戈  
問道消吳楚不必登臨始放歌

戴王縉字紳黃號雲極滄州人順治戊戌進士官行人

司行人有蕭雲齋集

雨夜懷鄧孝威

憔悴何時已思君苦未休亂山殘樹影野水暮雲秋雨逐  
江聲黑虹明夕照收何時重把袂清夢自悠悠

劉果字毅卿號木齋諸城人順治戊戌進士由推官歷

官江南提學道僉事有十柳堂詩集

詩話木齋爲青岑方伯兄康熙庚寅聖祖幸天津  
青岑方官副使入對觀上作書因奏臣兄果昔官河  
間知縣蒙詔褒以清廉愛民乞賜堂額上卽書清  
愛堂賜之文清以書翰勒石號清愛堂帖以此

贈姜勉中昆仲

吳門風雨聽雞聲共被君家舊著名鼓瑟恥爲齊處士傳  
經猶是魯諸生孝能繼志由天性淡以論交見古情一榻

東邦三阜帽幼安千載有同盟

客有問東武名勝者略舉示意

澄鑑決洪白玉堆青峯插漢五蓮開春前花滿廬敖洞雨  
後雲封蘇子臺夜半瑯琊先見日天晴潮汐晝聞雷李斯  
古篆留清署爲記秦皇覽勝來

山家

略行橫施磴道偏稜稜石齒草芊芊溪寬樹影遙沈水雲  
起山峯上接天塵世鶯花渾是夢煙霞雞犬盡疑仙亦知  
大隱非容易欲向此中小結廬

高暉字元中號蒼巖襄陵人順治戊戌進士歷官蘇州  
知府有瀛游草新安近詠等集

哭胡敏公次桑楚執韻

廣陵散絕動哀吟孤幌疏風雨暗侵自痛文康埋碧玉誰  
將賈島鑄黃金西州淚寄鴟嘯盡東海魂歸鶴怨深嗚咽  
不成懷舊賦獨挑殘焰夜沈沈

寄答桑楚執見懷

短髮空餘老大悲三年一讀故人詩竹間殘局完公事塞  
外新編是宦資自笑子長牛馬走誰憐杜甫鳳皇飢何時  
煮石青峯下共跨黃羊侶鹿皮

吳淇字伯其睢州人順治戊戌進士歷官鎮江同知有  
兩蕉齋詩集

長安秋霽

薊門秋仁霽徙倚望長空橫日孤雲白先霜病葉紅水明  
官道上碣亂客愁中矯首千山外南飛有塞鴻

宿西山桂香閣贈某道士

雲卧西山閣，煙松陰石扃。窗分江月白，檻受海潮青。嘖嘖棲花鳥，飛飛掠水螢。問君投宿處，此夜惜茅亭。

舟次湖南

一官自歎迹如萍，萬里揚帆出洞庭。薄暮猶霑神女雨，垂邊漸見老人星。草連湖水愁中碧，煙鎖嶽峯望裏青。廟近黃陵休繫纜，冷風清瑟動湘靈。

林雲銘字西仲，侯官人。順治戊戌進士，官徽州通判。有

挹奎樓集吳山穀音

詩話西仲古文析義楚辭燈莊子困韓文起流傳鄒塾頗爲通儒所譏詩所作不多未足名家其在新安九年不調旋以汰冗裁缺歸耿逆之變入獄籍產事平始出獄晚居杭州所爲一拂祠記以呂惠卿與鄭俠相提並論足爲閩客解嘲矣

登陴紀事

萬物當芻狗海波傳警息己亥夏六月蹂躪江南北官民不知兵相繼自頓踣延及宛與池聞風墮疆域新安失唇齒訛言相煽惑強者思走險弱者競逃匿我爲新安吏蒿目徒惻惻七月方上旬防兵反攻逼驍騎薄西城飛矢流如織空拳宿城頭有氣難吞賊海謀七人來詭辭誇戰克廿三抵郡內狼狽爲鬼蜮殲之演武場觀者無人色相擊避挑釁半城生荒棘叛兵拔營行所至掠新特更聞祁門令邑陷奔芳崩萬山盡伏莽民心多反側紛紛羽書馳軍情何其亟議戰苦無兵議守憂無食書生何所能惟有死報國

白髮詞

與明齋詩集卷之二  
三  
星星白髮勸爾一杯酒誰不知壯盛後當衰朽何勞一莖  
兩莖插標鬢右蜉蝣何歿冥靈何壽臭腐神奇迭爲尻首  
相傳交股國東有不死民吾將解吾屨卜吾里傲殺人間  
碌碌等閒穰社任爾白如菅茅黑如秬秠我只不對鏡不  
臨水本爲愁中生何事苦添愁夜游秉燭無須問莫使樽  
空惜杖頭

客杭書懷

老去偏爲客病多不耐愁疎鐘千里夢淡月半牀秋羽檄  
驚旁午家書絕致郵宵深眠未穩腸斷碧雲樓

建州古蹟

靜寄

寂寂荒陬好結茅煙霞不負舊時交參將水月無生話竺  
得天山最上爰客少空懸孺子榻書多但擁放翁巢草元

有志終須就卻懶逢人說解嘲

重游新安

頻日緣溪箸繭船到來猶見舊山川烽煙甫靖多空巷戎馬成羣雜市塵鬢雪白憐前貌改晨星難得故人全扶藜父老爭相問憶唱驪歌十二年

羅孫燿字乃遠順德人順治戊戌進士官都勻推官有

石湖集

和劉倬之湖上

藥嶼花源一釣磯相看終日坐忘機寒空波影魚微動夕照林聲鳥盡歸近處未能供茗具遠游猶及製山衣知君笑我多疏放他日黃龍定是非

湖閣夜雨



溜瀉檐階鎖夕煙竹聲松響共蕭然一天雨掩閒吟閣半  
夜風橫罷釣船花委暮林香漠漠草低寒砌色芊芊此心  
不逐疏櫺去好背孤燈便學禪

張一鶴字友鴻號忍齋婁縣人順治戊戌進士官雲南

推官有滇黔詩野廬集

詩話忍齋官滇時多與彭禹峯唱和合刻名滇黔二  
客集兼工畫歸後以畫卷寄漁洋自題云別一山川  
氣象更迢迢萬里不勝情歸來蕭瑟  
餘詩卷畫得煙霞記遠行漁洋稱之

辰龍關

天地金湯險由來王氣鍾五丁開絕塞二酉抱神龍亂眼  
奇峯過驚心暑瘴重興亡千古在立馬倚長松

懷人

西南諸國滇爲大六詔新開楚道平應憶松江蓴菜好卻

將老眼看昆明

別滇

十里壺漿送都言羨爾歸獨憐車下泣半是壑中饑日落  
懷難盡交深淚不揮漸遙金碧地還整舊漁磯

侯體隨字從甫號汜葉杞縣人順治戊戌進士官景甯  
知縣有汜葉集

同友人弔江淹墓

江淹富文藻夢花結思深所惜歷亂朝眾口甚鑠金賦成  
恨與別生死友朋心更憶獄中書涕泗忽霑襟千載倏忽  
度棘荆生古墓土黝草芽青東風吹老樹我攜良友來慷慨  
悲其遇村劇奏嘈雜新碑鑄謬誤毋乃冢中人冷然嗤  
而怒

鄒祇謨字訐士號程村武進人順治戊戌進士有遠志

齋集

折楊柳歌

美酒白玉壺高樹白頭烏壺空烏不去彈盡大秦珠

清河縣

客久歸程近鄉思益不禁春波高泗水暝色下淮陰漠漠  
寒林樹蕭蕭枉渚禽黃河流不到禹德歎逾深

往嘉禾行鸞脰湖中

客游倦休憇孤帆乘蹻躡緒風薄千里洽洽桂楫間荇芰  
發照耀黃柳媚清漣仰望碧雲合曠然知空山倒景不能  
發餘暉生紅泉愁來憤方結理至累已捐滌蕩悅心耳杳  
冥思神仙琴高騎赤鯉揮手隨芳煙波瀾虛曉月渺渺區

中緣去去謝湖水綢繆永勿諼

登爛柯山坐青霞洞天半日

清溪隔荒畚螺翠崢嶸起白塔與紅亭明滅蒼松裏石路  
足盤紆磧流自瀾瀾拾級得間道悅聞洞天咫曠然通虛  
明遼廓信可喜若無眾山橫坐矚見千里御風朝玉京浩  
浩卻炎暑欲攜楸枰來縹緲問仙子便得青鸞乘但恐白  
駒駛王質誠何人到今猶不死流傳好神怪此言無乃詭  
不忍獨長生崎嶇尋石髓但當笑題詩再看碧桃葉

詠懷

舉世乏萱草平生苦寥寂東郭拉熊虎壯心思射獵西室  
會名倡珠環生歎息相如工詞賦家徒四壁立君卿善遨  
游五侯供飲食如何懷煩憂棄之遠行役攀翻桂樹間揮

荊叢  
霍椒邱側隱士已耆年教我佇顏色併望恩與讐逍遙謝

中秋京邸

此夜中秋月清光十萬家吳歌聞隔院邊調入征笳北闕  
橫秋色西山隱暮霞故圍叢桂樹應發昔年花

魯紹連字可泰一字小秦山西籍貴溪人順治戊戌武  
進士有魯小秦詩集

薊城

孤城如斗酌溪濱極望茫茫一黯神廢壘煙空棲白骨寒  
蕪日落弔青燐何來越子三千甲只負田橫五百人豈有  
桃源堪避世幾村煙水尙迷春

崖斷溪連轉碧蘿巖阿亦近列仙窩不聞歸鶴來華表但

有哀鴻泣尉羅山色故從愁處綠野花偏傍戰場多亂流  
滿目嗟何及空使英雄惜鬢皤

晚晴移詩匯卷二十八終



晚晴移詩匯卷二十九目錄

王士禛 一百五首





晚晴蓂詩匯卷二十九

徐世昌

王士禎字貽上號阮亭又號漁洋山人山東新城人順治戊戌進士授揚州推官行取禮部員外郎改翰林院侍講官至刑部尚書諡文簡有漁洋蜀道蠶尾南海雍益等集合爲帶經堂集

施愚山曰阮亭先生論詩於其鄉不尸視于隣於唐人亦不腫襲子美舉體遙雋與寄超越殆得三唐之秀而上溯晉魏旁採齊梁者徐健庵曰先生之詩擇一字焉必精出一辭焉必潔雖持論廣大兼取南北宋元明諸家而選練矜慎仍墨守唐人聲格寶崖曰蠶尾續集風格高夔如少陵夔州以後詩不煥繩削而自合而清遠蕭淡仍自陶韋門庭中來信乎捨筏登岸時也翁覃溪曰先生詩當時有謂禱唐祖宋者固非其謂專主唐音者亦有未盡謂師韋柳似矣願何以選三昧集不及韋柳謂具體右丞似矣又何以鈔五言詩不及右丞是皆未足盡之也或曰讀先生詩當熟史記漢書故惠氏金氏徐氏諸箋

說援據極博而尚有補注者然舉司空表聖嚴滄浪  
言詩之旨歸於妙悟又若不假注釋者此皆仁智各  
見吾惡乎執一以求之又曰先生以詩學治於趙  
賢顧後來受其膏肓或往往厭薄先生蓋始於趙  
秋谷後人所聞不逮秋谷者亦轉效之實則先生言  
詩窺見古人精詣誠所謂詞場祖述江河萬古者矣  
詩話支簡生當國家全盛之時文教昌明之會特擢  
清職曠典易名皆由於詩故世奉爲山斗詩承明王  
李鍾譚之後獨標神韻爲宗旨蓋用以調劑矯正之  
後來持異同者遂成門戶然公詩於精能中見神韻  
非專事蹈虛者詩本於性情出於才分非盡關  
於學以詩學論要不得不推爲一代正宗也

擬美女篇

洛濱風日好美女出相望瑤象飾香轂玉軼鳴鏘鏘采春  
蘭阪上弭蓋蘅皋傍龍輔節纖步鶯珠結明璫借問女誰  
氏少小生平陽大姊入後宮次姊瑯琊王小妹雖不貴夫  
增直東廂出入冠駿驕天子侍中郎檻衣萬錦費屢千  
金裝容華誠自惜貴盛甯易詳洛水正微波明瀾一何長

川路西南永扁舟不可方寄語盛年子顧義慎自防

擬白馬篇

駿馬生代北少年出幽并結束各光采指顧風雲生朝游  
屬玉觀夕宿衛承明身逐孤兒隊名隸羽林兵行行南山  
獵意氣何縱橫蒼隼決雲來飛矢逆風鳴大澤鷓鴣道深  
雪狐兔驚迴瞻鶴雀門突兀與雲平鞍馬倏來歸勢若浮  
煙輕昨夜羽書至貳師出邊庭上馬別妻子鳴鏑追前旌  
舊隨冠軍伍復此河源行大漠少行人深谷多颯颯朝飲  
沙上泉夕戍雲間城左顧疏勒服右盼伊吾清無令都護  
將關外獨聲名

醴泉寺高閣瞻眺有懷范文正公

風雨湖上來蕭條灑飛閣殷雷起眉際極目窮寥廓遙天

壓煙水空濛氣磅礴大澤盤蛟龍斜風偃鵬鳴卻眺鴻濛  
中日光遠迴錯草木暗四山急淙鳴萬壑悵然思古人大  
雅何時作

蠡勺亭觀海

登高邱而望遠海坐見萬里之波濤長天寥廓雲景異春  
陰偃蹇魚龍高怒潮乘風立千丈虎蛟水兕紛騰逃羣靈  
潛結萬蜃氣一痕未沒三山椒須臾勢盡潮亦止波淡天  
清靜如綺菱苔沈綠紛塘坳螺蚌搖光散沙汭參差島嶼  
羅殊域紛如星宿秋天裏擊我劍聽君歌有酒不飲當奈  
何日主祠前水蕭瑟仙人臺上雲嵯峨羨門高誓不可見  
秦皇漢武空經過祇今指顧傷懷抱黃腫輒餅盡荒草人  
生快意無幾時明鏡朱顏豈長好吾將避世女姑山不然

垂釣蜉蝣島

周文矩莊子說劍圖

後有董宗伯  
書說劍篇

古今人物畫手誰第一晉有衛協吳曹興南唐周生更奇  
雋行筆瘦掣姿峻嶒此圖在世踰千載墨光黯淡生光晶  
君王隱逸各有態蠶絲煙篆交迴縈目瞋鬢突五劍客短  
後之衣曼胡纓二人旁立目左顧劍如星日光縱橫昂首  
右顧者三士二人按鐔神欲生一人拔劍作虎步怒如截  
兕吞長鯨使筆如劍劍氣出此公無乃能鐵兵莊生說劍  
固豪快十步千里無留行千年奇論佐奇筆揮毫潑墨皆  
飛鳴雲間墨妙更道絕鍾王腕底紛鬪爭自云昔見吳興  
書說劍恨不作圖雙妙并今逢此卷信神物又恨作書非  
趙卿徘徊三歎出金石煥然妙蹟如神明我聞周生妙得

後主作字法秋胡謝女風格清秦淮花月汴京土感此傷  
人今古情

秋柳

秋來何處最銷魂殘照西風白下門他日差池春燕影祗  
今憔悴晚煙痕愁生陌上黃鸝曲夢遠江南烏夜村莫聽  
臨風三弄笛玉關哀怨總難論

娟娟涼露欲爲霜萬縷千條拂玉塘浦裏青荷中婦鏡江  
干黃竹女兒箱空憐板渚隋隄水不見瑯琊大道王若過  
洛陽風景地含情重問永豐坊

東風作絮糝春衣太息蕭條景物非扶荔宮中花事盡靈  
和殿裏昔人稀相逢南雁皆愁侶好語西烏莫夜飛往日  
風流問枚叔梁園回首素心違

桃根桃葉鎮相憐  
眺盡平蕪欲化煙  
秋色向人猶旖旎  
春闈曾與致纏綿  
新愁帝子悲今日  
舊事公孫憶往年  
記否青門珠絡鼓  
松枝相映夕陽邊

洗象行

水關蒼蒼柳陰碧  
寶馬流蘇紛絡繹  
日中傳呼洗象來  
玉河波射珊瑚赤  
須臾鉦鼓千雲霄  
萬夫聲寂如秋宵  
虎毛蠻奴踞象頂  
邱山不動何岩巖  
岸邊突兀二十四  
直下波濤若崩墜  
縱橫欲蹴鼉鼉宅  
騰踏還成鷓鴣隊  
乍如昆明習鬪戰  
萬乘旌旗眼中見  
又如列陣昆陽城  
雷雨行天神鬼驚  
奴子胡旋氣道壯  
忽沒中流狎巨浪  
撇波一躍萬人呼  
幡然卻出層霄上  
今年丞相收夜郎  
扶南盤況舊王章  
遠隨方物貢天闕  
屹然立仗金階旁  
聖朝自不貴異物  
致



此亦足威遐荒黃門鼓吹暮復動海立山移浩呼洵大秦  
獅子多威神山林豈是天家珍

余澹心寄金陵詠懷古蹟詩卻寄

千古秦淮水東流繞舊京江南戎馬後愁殺庾蘭成  
鍾阜蔣侯祠青溪江令宅傳得石城詩腸斷蕪城客

再過露筋祠

翠羽明璫尙儼然湖雲祠樹碧於煙行人繫纜月初墮門  
外野風開白蓮

雨後觀音門渡江

飽挂輕帆趁暮晴寒江依約落潮平吳山帶雨參差沒楚  
火沿流次第生名士尙傳麾扇渡踏歌終怨石頭城南朝  
無限傷心史惆悵秦淮玉笛聲

曉雨復登燕子磯絕頂

岷濤萬里望中收，振策危磯最上頭。  
吳楚青蒼分極浦，江山平遠入新秋。  
永嘉南渡人皆盡，建業西風水自流。  
灑酒重悲天塹險，浴鳧飛燕滿汀洲。

吳季子祠下作

我行延陵城懷古，心苑結讓德邈已遠。  
流風緬曩哲，州來季當立。高懷甯詎屑躬耕，表遐志亮哉子臧。  
節慕義永無窮，穹碑字難滅。所悲於潛役國亂，相更迭伍胥。  
進勇士專諸，踐王血遜位固高義。復命忍臣列春秋，不名賢書札。  
理當嘶嗚呼三代後，斯風久淪絕。廉節起頑懦，尙論義常竊。  
縞紵思古人，空祠颯寒雪。

五人墓

流連虎阜游宛轉山塘路石門映迴波英靈此中聚滿壇  
松桂陰落日青楓樹生傍伍胥潮死近要離墓千秋忠介  
墳鬼雄誓相赴酌酒拂蒼碑寒鴉自來去

自米堆山下行至上陽村錢家礪望湖中漁洋法華

諸山

杖策信忘疲行行畫圖裏崎嶇下雲壑蒼茫望煙水石徑  
何盤紆疏籬照梅蕊寥寥落重湖濱柴門數家市居人太古  
風但解數雞豕語我種植法敦樸有奇理雖非角里儔頗  
謂桃源比逶迤到湖滸浩渺歎觀止震澤控三江波瀾此  
方始法華表東陲漁洋正相似煙雨春空濛峯巒暮俶詭  
昨朝梵天閣遠眺如隱几豈知方丈山忽落芒屨底欲乞  
五湖長垂釣將已矣

和牧翁題沈朗倩石崖秋柳小景

宮柳煙含六代愁  
絲絲畏見冷城秋  
無情畫裏逢搖落  
一夜西風滿石頭

秦淮雜詩

新歌細字寫冰紉  
小部君王帶笑看  
千載秦淮嗚咽水  
不應仍恨孔都官

舊院風流數頓揚  
梨園往事淚沾裳  
樽前白髮談天寶  
零落人間脫十孃

傳壽清歌沙嫩簫  
紅牙紫玉夜相邀  
而今明月空如水  
不見青溪長板橋

新月高高夜漏分  
棗花簾子水沈薰  
石橋巷口諸年少  
解唱當年白練裙

故中山西園

上公邸第舊西園水石蕭然絕世喧無復秋蘭破長坂祇  
餘修竹映朱門蕭曹事業終歸盡江孔文章莫更論日暮  
風煙愁客思冷城南是謝公墩

瓦官寺

江色斜陽下來過古瓦官勇如驃騎少癡似虎頭難梵響  
流空寂松聲覆殿寒逍遙能解否試問道林看

答朱錫鬯過廣陵見懷之作時謁曹侍郎於雲中

桃葉渡頭秋雨繁喜君書札到黃昏銀濤白馬來胥口破  
帽疲驢出雁門江左清華惟汝在文章流別幾人存曹公  
橫槩懸相待共醉飛狐雪夜尊

昭陽顧符植畫便面棧道圖歌

顧生畫學李思訓  
九工棧道兼驟網  
丹青妙銖黍近  
形遠勢窮毫芒  
褻斜山色一千里  
子規嗁處煙蒼蒼  
女郎祠邊人跡絕  
但見哀猿連臂叫  
嘯青崖旁江水如  
油下南鄭閣道似  
髮通陳倉紅氈裹  
背笠覆首人物結  
束疑唐裝車馬班  
班入雲際如蟻緣  
垤相扶將秦川渭  
水望不到蠶叢直  
上天茫茫仰家扇  
子冰雪色一莖斑  
竹磨瀟湘如何方  
寸懷袖裏宛然置  
我蜀道青天長揚  
一益二古天險譙  
周鬻國謀非臧阿  
瞞四紀作天子青  
驪西幸何倉皇三  
十年來蜀道塞况  
從古史論興亡因  
君妙蹟發遙慨如  
聽鈴聲替戾岡

送陶季之潞州

先生昔日登武夷  
鐵船峯頭看奕棋  
中冠離支三百顆  
酒

酣自擘輕紅肌峯頭爛睡忘甲子坐笑曾孫生白髭張帆  
伐鼓下黃鶴欲濫三湘窮九疑披襟蘭臺發高唱快哉不  
辨風雄雌平生名岳屐齒徧風塵京雒嗟衣緇投我奇文  
浩千頃蛟龍大澤纏躩謂我四海一知己譬若莊休從  
惠施高齋茗飲坐清晝風鑪活火分槍旗我時無事似犀  
首酒鱗浮動銀留犁豐臺紅藥花照眼驪駒忽告將西馳  
壯心猶作驥伏櫪適志無如泥曳龜我聞上黨天下脊當  
年潛邸傳臨淄飛龍荒宮沒煙莽斷碣髣髴開元詞紛紛  
梁晉夾河戰鷓兒萬騎陳軍麾錦囊負矢盛意氣歌聲慷  
慨留三垂時平不用弓箭手空老昭義千熊熊戰場下馬  
問亭長鬼燐颯颯寒颼吹君家草堂臨射陂門前五柳藏  
東籬何時單舸徑歸去北窗高枕談黃義

膠東張雉畫葛洪移家圖歌

下簾卧清晝遠夢生羅浮覺來北堂上素練橫滄洲依稀  
三萬六千丈風吹絕壑紅泉流何人攜持雜負戴全家避  
地來山幽先生身騎烏犂牛丹雞白犬隨行輶鮑家小女  
兩丫髻手把芙蓉居上頭惠懷之際那可道萬乘不洗金  
墉羞王家甯馨失三窟華亭鶴唳悲清秋回首銅駝洛陽  
陌名士對泣新亭囚伏波將軍不受賞丹沙欲就來交州  
大鵬詎可伍鷓鴣跛鼈坐笑追驂騶張生妙筆擅黔陬令  
我逸興生丹邱夙昔讀書慕仙意望而不見中心愁十年  
婚嫁願粗畢青鞵快作逍遙游刀圭爲我留井竈此生未  
作坳堂舟

世祖章皇帝御畫渡水牛戲以指上螺紋成之賜中官某



臣從黃州通判臣宋犖得觀恭賦一章

章皇握乾符武功輝旁魄乎齋春晝長游藝瞻圖籍泉壑  
窮窈窕煙雲羅幽隴寶繪賜近臣往往等球璧常從青箱  
堂奎藻觀赫奕營邱及河陽到眼堪一擲想見憂勤暇勝  
情寄山澤戲作渡水牛生態妙盤辟肉怒垂星圓筋突陰  
虹直脰似滿黃鍾角堪扣白石彈指九牛毛森疏如刻畫  
水波稍演地浮鼻未沒春髻綠楊風掩映春蕪碧神武  
十八載文教洽重譯干戈與弓矢包用黃牛革小雅賡宣  
王爾牛何濕濕旒旗牧人夢考牧周官職應知翰墨餘與  
世登衽席龍髯去已遠謳思徧荒僻雲漢爛天章典謨布  
方策聖王念紹庭率由正無射小臣沐皇風流涕記飛白

送宋牧仲別駕歸黃州

詞賦梁園憶勝游一麾雲夢澤南州三分誰似周郎少九  
辨深知宋玉愁烏鵲南飛河漢轉大江東去古今流山川  
如此容高嘯羨汝黃泥坂下舟

送陳其年歸宜興

與君五載揚州夢細馬吟春阜菱橋歲晚幽州復相送九  
門風雪壓盤鵬

送客魂銷楓樹林買田陽羨舊同心花枝照眼鰕籠嘴未  
得從君弄渚禽

送吳天章歸中條

二月春蕪綠紛紛蝴蝶飛花朝逢暮雨寒食減征衣道路  
誰知己登臨不當歸中條多水竹此去掩荆扉

愛汝王官谷他年擬借居三峯當戶牖五姓足樵漁田舍

堪懷古茅茨宜讀書獨憐好身手歸去注蟲魚

題尤展成新樂府

南苑西風御水流殿前無復按梁州飄零法曲人間徧誰  
付當年菊部頭

猿臂丁年出塞行灞陵醉尉莫相輕旗亭被酒何人識射  
虎將軍右北平

千金匕首土花斑兒女恩讎事等閒他日與君論劍術要  
離豕畔買青山

題施愚山賣船詩後

國家急廉吏將以風百僚如何十年來吏道紛吳敖哀哉  
此下民鞭朴分安逃魯山與陽城斯人竟難招江西飢亂  
離白骨填蓬蒿石田廢不治遺黎雜山魃一二老寡妻勞

勞困征徭昔者數守令爲政嚴風颯峻令盛誅求細不遺  
齟齬金玉競輦致樂哉共宣驕憲府前上壽鞠脛一何勞  
公堂侮下民意氣一何豪寡妻哭向天血淚埋荒郊亂後  
幾子遺乃以資汝曹是時宛陵公持節吉臨交爲政貴簡  
易潔己先清脩放衙苔蘚淨飛鳥營其巢賦詩彈子嶺慷  
慨同石壕白鹿與青牛斯道誰鼓蘘公獨奮百世臯比陳  
唐堯廉恥存綱維義利窮毫毛蘭芷變荆棘孔鸞革鷓鴣  
汝曹卽不仁甯終肆闕墟七載一舸歸無物充官艘兩部  
萬黔首留公但號咷讀公賣船詩中心何切切填膺抒此  
詞庶以備風謠他年韋丹碑會見留江臯翹首望宇中煙  
火尙蕭條安得百施公爲時激頑澆

送張箕山學士歸廬陵

印田桑言圖卷二十一  
迴首觚稜別紫宸孤舟遙下富川濱誰令江外漁樵侶爭  
識先皇侍從臣上殿似聞辛慶忌行吟休擬楚靈均千秋  
公議存青史應爲朝廷惜此人

觀祕魔崖至龍潭作

山行逐藁若徑轉無人跡亭午踰高嶺逍遙隨所適古寺  
披荒榛乍到如有獲廬師晏坐處猶存澗邊石石上留孤  
松終古不盈尺地僻山鬼鄰鳥下蒼苔積孤閣臨寒溪林  
壑莽蕭滅灌木紛相糾陰崖互崩折何當秋雨時驚湍若  
潮汐來此十日眠濯足蛟龍宅

卧佛寺

清晨越南磻畢景來東林石徑入幽闌稍聞鐘磬音禪房  
鳴腳古別院杪欒陰春夕月復佳微雲滅遙岑山氣自蒼

鬱天宇亦森沈道人澹相對松風灑衣襟夙懷清淨退因  
識妙明心寂寥無可說請君張玉琴

晚入退谷卻寄孫北海先生

谷口遠煙暝水石起寒色西溪有歸人東峯隱餘日積雪  
封巉巖微徑雪中出殘冰流復斷暗泉聽還失不知荒寒  
中前峯去安極稍見殼鯨牛悵望歸飛翼侍郎昔挂冠於  
此散愁疾畫壁滄洲圖結屋雲林側溪南萬竿竹歲久漸  
蒙密爲述淨名意更就支公室慙歎解巾非何年此棲息  
故明景帝陵懷古

金山南臨裂帛湖荒陵十里鶴鷗呼奪門事往二百載行  
人過此猶歛歔紅牆剝盡古瓦落莓苔溜雨生銅鋪老松  
離立色枯槁但穴蟲蟻餘根株菽塗籠輒禮本殺矧乃劫

火經樵蘇咫尺天壽雲氣接抔土獨葬西山隅洪宣老臣  
稍凋喪國成一旦歸刑餘勃鞞之問史所貶詎有宦寺千  
征誅黃沙慘澹鼓聲死萬乘一擲成纍俘國有君矣社稷  
重孫申謀鄭無差殊白登城南翠華返錢塘司馬功難誣  
紛紛南渡議和戰乃知計左非良圖全寅之占信奇中朝  
衣東市嗟何辜劍南歸來西內閉唐家父子輪廢奴處人  
骨肉事非易子臧季札今則無功罪千秋有特筆九鼎一  
髮須人扶諡同泉鳩理太酷紀年猶幸無革除裁合流水  
良亦足甯論玉匣還珠襦欲落不落夕陽下弔古且復留  
斯須殘碑滅沒牛礪角石覆橫臥蒼髯鬚君臣一代盡宿  
草雍門太息當何如

雨中度故關

危棧飛流萬仞山  
戍樓遙指暮雲間  
西風忽送瀟瀟雨  
滿路槐花出故關

國士橋

國士橋邊水  
千年恨未窮  
如聞柱厲叔  
死報莒敖公

河中感懷寄諸兄

何處依依動客愁  
蒲津雲物迥高秋  
河聲近挾中條雨  
關勢遙分太華旒  
人代茫茫雙去鳥  
夕陽渺渺獨歸舟  
京華故國俱千里  
心折西風鸛雀樓

望華山

關中八水匯清渭  
獨朝宗黃河西北來  
交會船司空  
河流挾底柱  
岳勢分宏農  
山河兩戒首  
氣壓般函東  
金天正肅殺  
屹然白帝宮  
削成五千仞  
真宰散鴻濛  
及關見岌嶮  
樂元



精羅心胸倏忽雲氣生西接終南峯諸峯忽已失俯首趨  
河潼峨峨司寇冠獨立青雲中蒼茫望三輔秋氣去安窮  
荒唐秦皇臘寂寞希夷蹤何當駕白鹿還共驂茅龍

華州齊雲樓

齊雲樓上望京師渭水東流無盡時父老尙傳行幸日教  
坊曾譜斷腸詞城空只見雙飛燕劫敗猶爭一局碁莫問  
寒煙十六宅土花凝碧至今悲

漢武帝通天臺址

通天臺畔望咸京秋入秦川雨半晴御宿不來仙掌散宮  
車已往露盤傾神光遙指虛無影渭水長流日夜聲此去  
西風茂陵路祇應腸斷沈初明

武功道中

武功回首望金城古跡蕭條感乍生  
禿節尙憐蘇屬國黨人終賴寶游平  
白頭鬱鬱身前事青史悠悠世上名  
千里終南山色好一枝筇竹萬緣輕

馬伏波祠

冥冥炎海伏波祠肅肅靈旗故國思  
萬里功名銅馬式五溪淫潦跼鸞時  
隗囂詎識眞王異朱勃終慙地下知  
空憶平生少游語歸來款段悔教遲

鳳嶺

南岐地何高鳳嶺踞其右路絕無鉤梯  
直上若懸溜日月互蔽虧光明錯昏晝  
雲霧四蕩涌雷車中雜糅飛龍何衙衙  
天矯出巖竇俯瞰兩當水奔流下騰湊  
轉石類搏擲畫沙成篆籀初疑飢蛟蟠  
更作外蛇鬪聞昔周文王盛德及

印川集言詩卷二十一  
靈囿鳳鳥此來集世遠事悠謬末季重邊防戎馬幾馳驟  
秋風吹散關一夕驚老瘦

五丁峽

南窮石牛道巖巖下雲棧三日招我魂足踣目猶眩豈知  
東蒼州耳目益奇變始過金牛驛穆嶠已凌亂漾水從北  
來劣足泛鳧雁舉頭嶧豕山峨冠倚天半大哉神禹功從  
此導江漢漸入五丁峽謠詭駭聞見斗壁何獐獍十萬磨  
大劍攢羅列交戟茫昧通一綫亂水殷峽中鮫蜃喜瀾汗  
仰眺絕圭景俯聆競雷抃九鼎鑄神姦到此百憂患東方  
牧犢兒竟使蠶叢判我行忽萬里風土異鄉縣身落大荒  
西終賴皇天眷咄咄復何言艱虞一身賤

金方伯邀泛浣花溪

解纜江村外，溪沙失舊痕。夕陽來灌口，秋水下彭門。清吹臨風緩，神鴉得食喧。百花潭上好，新月破黃昏。

長壽縣弔雪菴和尚

枳縣秋風愴客魂，金川遺事忍重論。誰從魚服悲宗國，惟有烏朝戀舊恩。葉下沅湘愁北渚，蕪生鄢郢哭東門。至今松柏灘頭水，嗚咽寒潮弔屈原。

萬縣有感

千秋南浦地險阻，控三巴惡少仍雕面。通侯各建牙，何人飼豺虎。吾道一龍蛇，鼓角寒城暮。江流捲白沙。

秭歸夜泊

江水茫茫去，西風感鬢絲。峽深夔子國，月上屈原祠。灘響夜方急，猿聲寒更悲。楚天搖落後，何處采江蓠。

過長沮桀溺耦耕處

曾讀陶公傳遼遼沮溺心耦耕餘故跡流水抱寒岑鳥下  
日將夕雲歸山半陰從來避世者不厭入林深

輓姜貞毅先生

曾聞碧血裹朝衣滄海橫流萬事非生已變名吳市去死  
當埋骨敬亭歸空山落日鳴鷓鴣孤墓深春長蕨薇魂魄傍  
要離君愛弟英靈來往怒濤飛

通州水月菴三用清虛堂韻

鳧翁三五嬉晴沙殘僧閑關如退衙黃蘆苦竹隱缺岸水  
洪往往飄殘花濠濮會心豈在遠便可泛宅仍浮家水關  
上接鮑邱水伯珪戰地嘯寒鴉卓老一杯沒荆棘惟憐文  
采兼奇葩古人於此兩寂寞高枕且聽風鍾茶漕河如林

萬檣立負城時送迴颿  
鬪髮扁舟落吾手背癢欲倩鳥  
爪爬病鶴觸籠翅翎短老隨雞  
鶩吁可嗟安得十洲縱汗  
漫排空一氣凌雲霞

贈郝雪海侍御

龍性詎能馴依然七尺身誰從燎原日還憶徙薪人肝膽  
酬明主風霜老逐臣孝陵松柏淚霑灑又重新  
血戰蠶叢日愁雲壓閩中謗書翻置獄刀筆敢論功又失  
巴西險何時劍外通憑君重草檄早爲破田戎

雜感

隴水洮雲外傳烽萬里通天兵張掖下露布朔方同賊已  
亡方望時堪仗竇融明年看置酒圖畫滿南宮  
飲馬洞庭闌連營笳吹聞南人知象主漢表失番君斑竹

祠邊水蒼梧野外雲何時真下瀨一試習流軍

戮力還羌帥孤忠有法王不緣蒙上賞何以警無將天狗  
過秦野鬣牛限鬼方古來稱隴蜀成敗幾蒼茫

一髮東甌路懸軍春復秋何人裹馬革幾輩爛羊頭禮比  
長公主榮逾恩澤侯聖朝寬大德不死竟何憂

曹升六謝千仞攜酒過飲宋牧仲張杞園亦至同賦

長句

陵州羅酒玉雪清青州金露琥珀頰直沽冰開酒船到屬  
車捆載連瓶罌二子提挈肯過我嗚夷交卧卧紛縱橫我愛  
徐景山不知曹事惟酒鎗復愛謝安西玩弄元子如老兵  
眼中況是我輩客談天炙轂聲彭觥一斗枯腸芒角生五  
斗胸中鱗甲平一石曠若游八極逍遙齊物無虧成幽州

二月草始萌小桃照地如紅鞵天涯酒人不易得何必琴  
筑琵琶箏十擲輒健詎緣拙三語作掾誰所令蠟炬成堆  
冠幘墮西南月作金盃傾

昔聞馬文淵居後欲軒前欲輕又聞欒將軍賤貧辱身貴  
快意此語非長者亦復非游戲勁翮扶搖九萬里豈識青  
冥更垂翅鳶肩火色多少年一老行吟獨憔悴惟應中山  
釀供我千日醉駛隄爲截駝作羹有酒如澗那復記千秋  
亭上相叫呼不知何與癡人事丈夫不得手執丈二殳身  
領漁陽萬突騎親射蠻氈縛鬼章誰識鄧先好奇計此酒  
須滿百斛船使我反覆沒飲如渴驥子路百榼堯千鍾黃  
土誰能別愚智諸君不酌閣當閉舉解徑須煩杜黃

曹正子邀同家兄子側及諸君豐臺看芍藥晚過祖



氏園亭

回首旗亭畫壁時重來已是十年遲  
應劉逝後風流盡只有恆河照鬢絲

宮錦千絲費翦裁  
說他婪尾殿春杯  
老顛臍欲相料理乞取齊奴步障來

霑溼春衣更不嫌  
花枝姪姪雨廉纖  
鬢絲禪榻心情改  
閒看見郎插帽簷

送姜西溟歸慈谿

春風滋百卉不榮孤柏根  
白日迴陰崖霜雪慘不溫  
丈夫重知已烈士輕感恩  
姜生起句餘水擊南溟鯨  
商歌一畝宮名動萬乘  
尊孤高取眾忌當路誰攀援  
季布揖曹邱感激由片言  
何況貧賤士風颺阻重關  
枚朔善飢餓莊徐擅

高論連尻結股腳詞賦若雲屯君獨銜恤歸秋風刈叢葦  
虎鼠竟何常揮手聲暗吞

寄青浦丞李青立

麟趾異凡躡鳳毛異凡羽君爲南陽孫豁達類其祖請從  
復辟論卽事感今古神龍奮幽蟄天星落如雨倉皇奪門  
功造次成肺腑輿臺珥貂蟬政柄歸奄豎陳請濫恩澤帶  
刀依負斧晉文定王室請隧不見許吁嗟彼何人憑藉亂  
狐鼠爰立當危疑踪跡等羈旅當時武功伯脣齒終齟齬  
公寶仗忠信跪跪成心膂嗚呼三楊後伯仲見伊呂天地  
鬱風雲將相如龍虎愛君清門後克秉高曾矩低眉百寮  
底手版趨公府青袍映春草遠向春申浦婦有林下風樂  
事笑眉嫵詩寄雁南飛因風墮洲渚

送冰修歸海昌兼寄朱生

老大身將隱飛揚氣自雄游燕交馬客歸越事猿公仙飯  
青精飢諸儒白虎通故人朱季在何處駕飛鴻

其年檢討見和綠雪之作復遺芥茶一器索賦

敬亭如靜女婉孌有餘態洞山如道流吐納成沆瀣陽羨  
連故鄣尻脰相負戴地靈草木異雲霧凝鬣隼尤重羅襪  
名超軼絕流輩山氣夕陽佳風露非灌溉昨賦綠雪詩莽  
鹵乏清裁名流遞賡唱粲若珠百琲髯也實致師拔戟成  
一隊白甄題紅籤細君自蒸焙朝來肯送似秀色染眉黛  
下簾候魚目芳盞露蟾背雖復遭水厄頗亦澆壘塊茶聲  
正琤琤竹影交瑣碎詩成遺長鬚聊作三舍退君當賈餘  
勇吾衰鼓已再

送邵子湘之登州

我聞大九州香海環其外裨海內絡之萬川勢交匯禹貢  
周職方中央浮芥蒂鄒衍不可作疇與辨茫昧昔者始皇  
帝東巡極海岱海神駕橋梁大魚射澎湃號爲秦東門刻  
石表胸界三山在水下其事頗奇怪邵生列仙儒遠游信  
所屆遙飛阜鄉鳥往撫天吳背龍躡凌丹崖九點煙凝黛  
嶽絕日主祠覓與之罘對日月影動搖島嶼光破碎朝潮  
激天輪夕汐裂地肺巨鯨若連山奮鬣雲晝晦時見新羅  
船墨點空青內廣乘渺何所歸墟誰負戴木張悉文雄髯  
才更十倍歸來述滄溟始信九州大

和田綸霞郎中移居

田郎詩格如雪車昨來新句傳移家夢向漪亭坐秋水蒼

簀萬个眠麀麀冬官事少蹋壁卧日未卓午先放衙殘書  
滿前自穿穴紛如雁字風中斜未要沈范相賞識風亭月  
觀吟梅花廬如瓜牛足搖膝畢逋愛伴城頭鴉鷺鳥累百  
詎比數蹠蹈聊試終參撾牽蘿補屋絕代子慎莫無匹悲  
媯媯

問鈍翁編修疾

先生方丈似山茨聞道維摩病起遲乍可心情同木石依  
然談笑卻熊羆別裁僞體時流忌獨抱遺經後代知遙憶  
玉堂清夜夢雪中花塢水邊籬

送張仲誠知資縣

不憚三巴遠高名萬乘知子規聲斷處山木雨來時囊有  
涪州易園無魯相葵王衷諸弟子應習鹿鳴詩

東丹王射鹿圖

人馬勢逸不可當開圖素練生風霜奇哉落筆如挽強誰  
其作者東丹王東樓西樓二千里乘秋出獵凌窮荒番部  
紅韉鐵襖禡左射右射必疊雙擊蹏驕馬如風檣三花翦  
鬣紛怒張俊鶴初變爲正鶴蒼鷹翅翅隨馬韉雄狐狡兔  
皆遁藏射麋麗龜走且僵東丹昔日稱人皇扶餘開國鄰  
扶桑秋冬射獵海東磧頭鷺燕罷傳醴漿跨海南歸大梁  
苑時時夢憶穹廬鄉往往丹青自游戲寸縑尺素如琳琅  
宣和歷架六千軸東丹九幅千金裝良岳灰飛玉匣散此  
圖豈不關興亡蠟炬如椽照空廊雄談劇飲累百觴東丹  
丹青遠擅場蹊田奪牛語堂堂令人千載悲同光

送同年伊翁菴中丞巡撫雲南

金馬山前駐碧油，青蛉塞外陣雲收。  
天威近已通諸賧，王會依然徧九州。  
銅弩雨深諸葛壘，叢祠春賽潁川侯。  
饒歌鼓吹征蠻府，萬里昆明是壯游。

柏臺新命帝親除，重譯西南罷羽書。  
雒將朱鳶皆內屬，越人黃屋竟何如。  
賜來天廡飛龍馬，行避中丞赤棒車。  
荒服祇今勞睿慮，要令絕域化耕鋤。

再送念東

錦湖秋色漾漣漪，湖裏游人歌竹枝。  
斜日泊船紅蓼岸，神鴉飛過魯連祠。

長白山中跨白驢，偏提時挂小籃輿。  
八驕朱雀航南路，可似先生薄笨車。

送毛斧季歸常熟

昆湖有真隱金粟緬高風桑海遺民老襄陽耆舊空人言  
虞仲里又得小毛公廿載淮南別吳江幾落楓

中秋後得富順范生嘉州帥生書知其陷賊不辱僞  
命遂有是作

幾載豺狼橫巴蜀今朝書尺慰相思天彭井絡欣無恙伏  
劍佯狂更不疑會見費貽貽合浦何妨甄濟動京師汝曹  
識字知忠孝一笑南樓倒接籬

十一月十八日紀事

招搖方指子七日後長至五星如連珠貞符協天瑞詖蕩  
天門開日射觚稜次公卿儼行列百寮咸備位雲中露布  
下琅琅動天地十月日在未軍府秉諮議雷動傳瀛城十  
萬連步騎貝子坐武帳諸道師總萃將軍拜被社偏禪怒



裂皆搜穴翦狐鼠然犀照魑魅天上舞鉤梯地中鳴鼓吹  
不遑濡馬褐況敢執象燧膽落鐘詎聞約長髮競繫半年  
築長圍屏息門晝閉樵採路久絕咬食到殘飢斃技悔已  
窮蟻援復何冀孺子一匕殊僞相五刑備自然天助順豈  
曰吾得歲昆明水清冷金馬山屢曩妖氛一朝洗磨崖勒  
文字釐圭命召虎乘軒寵邴意六詔歌且舞給復置官吏  
皇哉聖人德涵育及動植手提三尺劍削平諸僭僞何以  
矧曰仁何以淬曰義所以八年中次第芟醜類師行不驛  
騷民居不憔悴自茲萬斯年囊弓兵不試敢告載筆臣著  
之大事記

和徐健菴宮贊喜吳漢槎入關之作

丁零絕塞鬢毛斑雪窖招魂再入關萬古窮荒生馬角幾

人樂府唱刀環天邊魑魅愁遷客江上尊鱸話故山太息  
梅村今宿草不留老眼待君還

戴氏鼎

昔在京師賦方鼎年少筆力回千鈞焦山鼎圖歲在己江  
海起立魚龍奔邇來衰謝二十載雖有意氣無由振戴氏  
此鼎何處得勢如怪獸猶以蹲平頭負戴到蓬戶四座動  
色誰敢捫雲雷盤旋間饜餐斑斑古色疑周秦凹中尾鬣  
狀天馬緣尻覬鼠拱且馴或云子午紀年月或如癸甲兼  
庚申或云乾上艮在下天山爲遞理則均著馬履鼠古所  
訓義云陰屈而陽伸制器尙象有深戒寡聞渺見徒紛紜  
大巧坐令倅齷指流俗豈辨飼與饋丹楓閣中盡奇古此  
鼎屹立何雄尊市邱鼎齷任嘲笑烹雞何以羞明神不煩

更問柳下季，歷千萬世存吾真。

多父敦

昨日賦罷天馬鼎，今日復示古敦牟。山川連日發光怪，黃  
白下覆雲油油。此敦形製奇且古，兩耳三足窮彫鏤。上作  
饗發下蚩尤，細辨非簋非彝舟。古人一物殫工巧，用盛黍  
稷神所羞。珠盤玉敦載盟府，云以敵血親諸侯。流傳千載  
歷塵劫，卻伴高士山之幽。昭餘自昔稱晉藪，侯甲水作青  
瑤流。丹楓孤閣踞其上，朝霞暮靄臨窗浮。先生靜坐觀眾  
妙，圖書萬卷皆親雘。此鼎此敦置左右，蒼然古色來商周。  
庭列九賓發緹幕，令我一見生歎愀。長安市兒寶康瓠，金  
敦玉敦知何求。什襲歸去閉高閣，會有光氣騰龍蚪。

元祐黨籍碑

天津橋上嘸杜鵑耕父已見清冷淵宮中堯舜不可作厚  
陵社飯悲年年二惇二蔡秉國軸同文館獄紛鈎連衣冠  
相望走嶺表一網盡矣嗟羣賢司空手籍元祐黨大書深  
刻相磨鏤彗星下掃文德殿毀碑夜半何喧闐攸攸佛佛  
一兒戲可惜宋社成南遷潭州死骨尙有臭黨人名字光  
中天西南荒徼八桂郡此碑千載人爭傳上云垂戒萬萬  
世其詞何異誅共驩從來青蠅亂白黑三代遺直今如絃  
小人勿用易所戒崇甯債轍無忘旃

題徐騎省集後

江左黃星事又新蕭蕭白髮入咸秦茂陵玉盃通天表未  
信初明是恨人

寂寥小雪閒中過斑駁新霜鬢上加擁鼻微吟一惆悵殘

年風景又天涯

送黃方叙之官山海

翩翩黃叔度揖我向榆關半刺今爲政長城無限山扶餘  
湖信外孤竹夕陽間重鎮當年地茫茫古戍間

過宣城館有感

暮天黃葉落一過西州門無復高人跡空聞宿鳥喧新阡  
思挂劍舊館憶開尊南望澄江水誰招屈宋魂

二禺祠

軒轅二帝子聞住綠雲間世遠無遺跡夕陽空亂山攀髯  
失弓劍采藥異荆蠻猿鳥青冥裏應悲去不還

歌舞岡

歌舞岡前輦路微昌華故苑想依稀劉郎去作降王長斜

日紅縣作絮飛

三峽橋

五里聞瀑聲轟若車千兩谿迴見飛梁穹若虹百丈眾流  
會三峽峽門扼其吭建瓴沸驚湍排空削層嶂石激水斯  
怒水橫石逾壯水石終古爭怪奇紛萬狀日射金井潭濺  
沫出橋上日光散青紅雨絲亂飄颺絕景遇兩蘇何人繼  
高唱

玉淵潭

已歷三峽橋更訪玉淵水水流大壑中路轉層松裏片石  
橫百仞其右平如砥九十九飛瀑一門爭萬軌峯巒直要  
衝跳盪不得止雪浪如車輪凸凹忽奔駛激射爲深潭神  
物潛尺咫夜黑風雨來鱸鮪皆避徙久立凜毛髮薄雲漏

餘暑西眺石人峯梵唄空中起

蟬磯靈澤夫人祠

霸氣江東久寂寥永安宮殿莽蕭蕭都將家國無窮恨分付潯陽上下潮

題查夏重蘆塘放鴨圖

鴨母船依湖水濱船頭長日飯龜尊憑誰寄謝桓南郡不是鶩欄教鬪人

鴨頭九帖種魚經盡日蘆碕泛渺冥何似漁陽隨突騎天風齊放海東青

米海岳研山歌爲朱竹垞翰林賦

海嶽研山不可見人間空說研山圖研山之圖亦遭煨燬雲煙過眼徒嗟吁宣和艮嶽已塵劫矧乃片石輕鎔銖永嘉

流落幾百載昭陵玉匣今亦無詎知神物有呵護星芒夜  
隕三天都太平宰相盛文物寶此何啻千璠璣古藤書屋  
花未放主人愛客招吾徒眼中突兀忽見此乍疑几席羅  
衡巫壺中九華那足擬仇池枉用誇髯蘇三茅地肺互鉤  
帶二華雲氣相縈紆蛟龍屈蟠待雷雨仙靈髣髴迴駢車  
華蓋一峯獨秀拔宛插玉笏翹犀株翠蠻玉筍左右列雕  
尻股腳相敲扶上洞下洞闕曲折潛通小有涵空虛龍池  
幽竊驗雨候頗疑中有驪龍珠峯獨者蜀屬者嶧上泉有  
埒下有瀆坐客摩挲三歎息蒼然古色生眉鬚海嶽之菴  
書畫舫幾伴此老浮江湖巧偷豪奪歷干劫閱盡春秋如  
螭蛄翰林好事過顛米日餐蛾綠忘饑餽滄江夜夜虹貫  
月莫令光怪驚菰蘆



郭有道墓

大槐坂上逐車塵爭效先生折角巾至竟清流解亡國望  
門投止是何人

晚晴謩詩匯卷二十九終

晚晴簃詩匯卷三十目錄

王又旦 五十五首

李念慈 十二首

鄭梁 十二首

毛際可 五首



晚晴後詩匯卷三十

徐世昌

王又旦字幼華別字黃湄邵陽人順治戊戌進士由知

縣歷官戶科給事中有黃湄詩選

王阮亭曰幼華詩一變而清真古淡再變而爲奇恣  
雄放及歸龍門讀書太史公祠下而其詩益齷齪  
深渺乎莫窺涯涘姜西溟曰今京師以詩名家者  
稱兩王先生一爲蘇城阮亭少詹一爲邵陽黃湄給  
事也其後新城予告歸省而都下之言詩者乃專歸  
邵陽公生平與阮亭周旋最久故阮亭序先生詩曰  
幼華之詩凡數變而予皆能道其所以然然公詩與  
阮亭經自別古體老而益肆外露奇倔而內涵靜  
穆非學醇而功力深至不易  
臻斯境界宜阮亭亟稱之也  
詩話國初關中多詩人惟黃湄與孫豹人李子德如  
泰華三峯俯視培塿而三家黃湄造詣爲尤深才  
大而無矜氣采振而無浮響其返虛入渾處雖豹  
人子德不能不讓出一頭故漁洋之傾倒爲獨至  
自千尺墮抵雲臺峰作

清晨杖輕策入谷二十里傾崖驟合沓鉤梯紛相倚苔古  
行蹤滅險艱從此始雲竇俯絕壑縹緲垂但纒纒攀繻踏危  
石足頓不能起巖屋照頽陽會岑倒松梓養力憩煙靄乃  
知崎嶇美東南得高壁路隘不任趾亂峽無全天坤軸忽  
崩圯太息展遠眺前途尙嶮嶮

蒼龍嶺

削壁突斷絕微徑始躋攀長虹馳遠影飛落青冥間迅飈  
兩崖起獵獵雲氣還連峰若動搖我行亦孔艱天色撲蓮  
花瑤草何凋爛陟危千萬慮曠望忽開顏璇宮應不遙從  
此排天關

玉井

萬檜翳深景夕日風颭颭茫茫石礪外顛氣誰挽收蓮花

不復見一水入雲流

壤榦繫短綆灌莽生石路披草汲清冷冥然愜幽遇天風  
入坎寥坐看高下樹

大風雨自玉井歸西峰宿范湘濱道人復庵作

越嶂探玉井日照東林木雲氣生壁上須臾盪虛谷爽籟  
激幽響大雨一何速羣帝忽徠下乘躡紛相逐桂旗連寶  
羽飄飄低以屬天色變多端一氣自迴複徒侶對面失苔  
滑阻紆曲紛吾身何託暫憩雲中屋稍覺心魂安更曠登  
臨目敲斜千山松偃臥一徑竹莫漫嗟險艱庶幾愜幽獨  
入夜展道經孤鐙照人宿

下山

下山尋舊徑沈沈臨大壑亂石忽改觀煙景紛相錯低頭

追勝蹟背面惜林薄巖迴明星掩路轉石月落

明星峰名石月在東

上大河折東流波盪宏農郭萬古東西路世往事冥漠名岳如可畱吾欲齊龍夔

雜興

華門槐蔭清野壠青苕柔荷鋤守舊轍貧家無外求孤雲歸空山山前澗水流平心愜微願選念亦自由紛吾涉塵鞅無端生百憂舉步皆谿壑念往多所尤譬之御駭駟一縱不得收慷慨欲置之反顧還夷猶

焦山

乘春歷江皋訪古浮玉山江風正蕩潏短櫂欲進難千里滯水國豈不增憂患隔岸見石屏忽使懷挹寬曲徑漸分明叢篁亦擅樂幽事供怡悅指點輕狂瀾勝遊難再得我

役何時閒

殺糞逐群羊相傾無朝夕旌旆明江涯樓船何絡繹高土  
臥空山閉門但自適至今三詔巖古木森千尺斥堠尙在  
眼客子苦行役常懷歲時遷念此飢寒迫顏顏再稽首不  
敢乞白石

孝然常以白石  
與人煮之成芋

鹽官雜興

晨出步城南城南棧棧多莓苔昔人負高調在此延望但  
見野木風號烏毳毼成連何處尋爾師如何至今不知回  
雲煙莽闊白日凍陰風常起伯牙臺千載尙有憑弔客山  
徑時時騎馬來

金虎行

統如城樓夜打鼓素月將中近金虎早起躡黥嵐結陰塢



然風吹鶴上林濛雨遲迴久不下欲斷欲續飄古瓦桑芋  
摧折喚不醒滴瀝何能徧中野羣靈參差如連雞炎官氣  
盛猶甜聞三月雷火久閉藏天威未遠還須假羣兒同聲  
叫號屏須臾細注蒼頭瀉我懷歲功惜已晚澤其枯矣寡  
萌蘢

一 貉行

山人朝獵得一貉換米一筥十日樂一貉可憐獲一筥百  
貉成裘知幾許素絲細製光蒙戎堆牀照耀錦繡紅王孫  
著來騎大馬霜飛雪下無寒風時易調移不稱意金毳縱  
橫遭委棄朱門錯刀如流泉還憶山人始得年

牽纜詞

昂畢西橫夜猶暗官船催夫牽錦纜石尤風高霜滿河欲

行未行徒蹉跎天明前村雞下樹五里六里已爲多囊中  
餼糧早已盡前途尙遠飢如何生來不合水邊住負僮欲  
問山中路山家奉令獵黃鼯正是昨宵牽纜時

秋穫詞

吁嗟我生遇不淑結茅作舍露中宿年年種田食無粥腰  
鎌入隴葉初黃可憐不待禾子熟官家百事無時休縣門  
霹靂震不足西風匝地繁霜下畝稅力役相委屬君不見  
貧人在官不顧私黃犢餓死那得知

擊獻詞

楊柳城頭光漸黑公家懸獻急漏刻繞城百轉天未明火  
滅薪殘逗霜色防兵近駐江之滸醉擁金釵夜歌舞入市  
打人知幾回長官不敢促收捕已聞剽劫如轉軸猶向東

郊射雞鶩朝來郵吏何恩忙帖下傳說軍無糧

河決時久雨

襄樊一水東下潛高風吹浪何時恬百川之長背卑謙五月五日憂如惓二女擁珮手摻摻黑旗阜幢錦作幃乃與土德有猜嫌欺爾微弱較鈍銛大呼其類無巨纖獮獺鯨鯢魮鯨三足六眸奉令嚴河伯破磯衣襜褕山崩厓圯意不厭若通項冥威勢兼乃使神蜃肆談儉招屏翳遂遣飛廉望舒離虎警夜占長雲不斷雨霖霖十旬茫昧烏與蟾地軸坼裂如縞綾泣訴于帝乞光炎帝曰彼勢不可鉗奔逸不異馬脫柑郢南災禍日益添有田無歲無蒼蒹修築徒勞邑中黔五才遽用亦互殲嗚呼其苦在茅檐

懷楊樹滋山居

驛騎交馳地幽棲汝最閒解官仍白社避亂得青山路入  
巖花曲亭深水竹斑斑前風雨夜樽酒一開顏

茅舍連千嶂風林自一家晴窗交薜荔晝戶掩桃花紫塞  
瑠戈急黃塵戰鼓擲回看高臥處初日帶煙霞

選勝車箱谷經年只夢遊嶽蓮開對面渭樹接林頭野鶴  
遙相待山泉近可謀關河兵未罷飄蕩幾時休

贈梁峒樵水部

幾載常含畫省香知君例作水曹郎久辭請謁草侵戶近  
著河渠書滿牀舊業六盤秦北地臣軀九尺漢東方那堪  
塞上烽煙暗升斗朝朝問太倉

送陳說巖宮詹奉使祀北鎮

門闢銅龍侍從初春風遼海引簪裾雲霄日近融殘雪圭

幣壇高切太虛諸部常懷行在地詞臣正校職方書當年  
大略猶堪問願上雄圖貯石渠

佳氣蔥蔥傍海生營州今是漢西京龍歸豐沛連朝飲火  
照枌榆徹曉明舊事華封傳道路當時羽騎繞邊城振衣  
直上高峰望大漠煙銷北斗橫

登東少梁山禹廟眺黃河歌呈同遊諸公

少梁山勢何岩巖林煙漠漠風蕭颯典午祠堂一百丈此  
山對峙相爭高客言禹廟登臨好空濛萬里無塵囂桑柘  
刺眼槐花落來穿蘿徑同遊遨龍門直下五十里秦山晉  
樹相周遭雲氣蒼茫看不見青天一豁奔驚濤七月暑退  
蟬鳴號雨腳欲下風雷交鯨魚逞怒呼其曹兩河左右紛  
動搖嗚呼戰伐經幾載木罌渡口橫弓刀昔自楚歸歲在

卯夜攜八口趨中條間道汾陰止河許欲披葭菼尋漁舸  
隔岸人家聞吠犬望廬不到心徒勞一從朝那來效順甲  
兵如雪都潛銷吾黨高臥飽閒散不妨老作韓山樵西來  
涼氣入烏帽祇應飲酒持霜螯向夕客散不須約通林明  
日還連鑣

太史祠隔河望孤山

絕巘連雲出秋風隔水多韓原中缺處山翠壓黃河  
終日山頭坐看山興未闌秦山看不盡猶借晉山看

巍山頂上

陟巘得石林竦處如步障藉草肆遐矚勢挾秋雲壯初日  
出大河空翠非一狀三嶺自北來羅列森儀仗遠色際高  
天顛氣四奔放開山起何年鬼工勞意匠憶昔出城遊駐

馬看青嶂霽華靜松栝石角爭背向及此凌蒼崖深荷山  
靈貺遙知道傍人視我煙霄上平生耽幽興冒險每攜杖  
徘徊玩空曲題詩雜樵唱

古從軍詞和馬雲翎

離家從遠戍荷戈日已深野風起枯楊鳴雁多苦音潮沒  
黃陵廟雪落雲夢林沮洳阻長驅萬馬空駸駸貳師不好  
謀我力恐難任承捐父與母男兒豈無心

奉命移舊壘車徒發皋蘭四顧莽蕭蕭野氣蹙天寒萬竈  
駐桃林男女雜旌竿紅粉隘大路馬上明綃紈昔日隨都  
尉令嚴不違餐一鼓斬女子勳名永不刊

秣馬臨清漳漳水咽不流兩河多綠草王程尙悠悠五日  
視豆莖十日飭雕鏤月餘大蕃息惜哉時已邁戈鋌明落

日獵騎出長楸淹畱將奈何空與狐兔讎

橫山觀

身置煙霄上扶藜一叩扃雲流藏殿闕樹老斷青冥坐石  
雙旌合看花數騎停誰憐棲遁處吹角不堪聽

登橫山絕頂

山窮得平野絕頂散牛羊垂柿低含雨高榆迥受霜舉頭  
空碧落四面盡青蒼蹙策吹何處西風入夏陽

寄張帝臣時帝臣攜家住華山

他時貨畚似春農聊就青山策短筇直豁雲煙棲八口平  
攜雞犬入三峰炎天樹尙畱殘雪靜夜人還伴怪松我去  
關東空悵望城頭出沒碧芙蓉

渚宮



舊蹟何勞問東風草又新江籬春秣馬嘯鴉暮愁人白積  
千秋骨青然幾夜燐那堪聽畫角腸斷是西津  
夜宴出房柔軍城酒似澠陣雲通白帝邊月墮黃陵垂手  
花低幕纏頭柳覆繪章臺歌舞地今古悵偏增

次漢口將歸武昌

雨後停橈古渡頭漢陽芳草自油油明燈夜聚三江舸酒  
旆春搖兩岸樓人去桃花猶有廟水沈鸚鵡尙名洲來朝  
歷徧登臨處直破風濤下鄂州

登大別山同毛子霞朱悔人江非諾魏師聃

石路層城外空亭落照間導江傳禹貢對岸指吳關地坼  
洲前樹天青雨後山招尋成久客楚月幾回彎

同朱悔人大雨渡江呈李鏡月

渡口煙初暝孤舟客未歸  
楚天低遠岸江雨撼危磯  
指顧千峰失空濛一葉飛  
中流歎奇絕不敢怨霏衣  
淮海人何在幽尋水一涯  
到來雲徧野坐久樹棲鴉  
雨腳妨山翠船頭破浪花  
煙江如畫裏處處可爲家

磯上待月寄懷胡君信

雨後綠陰繁涼氣生七澤  
遙念石莊人林間岸輕幘  
缺月未離海殘霞忽斂夕  
獨鶴下煙江渺渺楚天碧

村居

老樹濃陰水一方滿村槐  
柳間青楊時平且縱花前  
酒地僻能容醉後狂月夜  
休干徐吏部貧星苦伴蔡  
中郎鹽齏沒齒何妨飽剩  
領松風入戶涼

廣陵使還得吳野人郝山漁汪長玉書

江廣思揚子年荒惜故人艱危誰計日喪亂各經春杜曲  
看花眼潯陽乞食身十年中夜月兩地照清貧

野菜行

白草原頭日晡暖田父鋤田除野菜今年春到羈馬城麥  
花不生菜花生野人儲無升斗米戶戶提筐采春薺也知  
賁菜一飽難傷心且緩須臾死城中胥隸何披猖經過寶  
馬爭輝光白酒黃雞不敢獻鞭箠罵難遮防朝朝縣令  
出廳事縣門仍掛恤民字上官不復采風謠許君原是循  
良吏吁嗟乎野人偷生守蓬麻但願滿地麥花兼菜花

郊行感事

酒入愁腸恰半升東郊林下杖枯藤心隨夜半移枝鵲身  
似門前飯粥僧綠樹飽酣山徑雨東風初泮大河冰獨憐

亭尉今皆醉不敢尋春過灞陵

送家叔季鴻先生遊睢上謁后土祠

綠楊連岸曉風斜東渡汾陰泛客槎天際兩崖馳竹箭春  
流三月湧桃花黃雲寶鼎淪衰草絳氣靈壇落暮鴉舊事  
於今何可問市樓沽酒是生涯

東風紫燕入叢祠河上人家記舊儀古砌半沈天上水蒼  
松全折雨中枝依稀三燭流光夜想像千官立仗時獨喜  
嘯鶯猶未歇看花一路到汾睢

玉果犀錢伴客醺此生投老恨空聞對人敢說青箱字隔  
水徒漙白練裙三月扶筇登殿閣一天垂柳下河汾靈祠  
颯颯如風馬應有神光入夜分

寄張枚公張時在保寧將軍幕中

莫歎花時別渭城知君幕府早成名  
巴人久已歸圖版僕射由來類父兄  
萬戶無煙猶轉粟三城有戍且休兵  
憑君寄語征西將父老連年想太平

懷顧黃公

不畏窮愁只著書幽栖風物近何如  
斷雲疎雨吳王峴竹瓦臨江十尺廬

泊江口樹下寄周澹園

長川望不極渡口問吳艘白鶴起高樹  
青山陰半江秋花垂屋角水荇落船窗  
爲報南康好殷勤鯉一雙

亭上

坦步章邱上苔華處處斑青林紅幾葉  
九月下黃灣天坵禹東地潮吞海上山  
故人家在此開卷對孱顏

宿花首臺

亂石夾奔湍我行隨意深選勝崎嶇間幽人多苦心雲墮  
竹篙嶺流影松樹林蔥蘢翳山翠不知西日沈取徑行木  
杪花宮在層岑細泉天上來苔階有清音夜氣湛虛明眞  
源疑可尋冷然不成寐高風吹短襟

望水簾洞

老人峰下路亂瀑對清秋小憩雲中樹遙看石上流風聲  
傳海嶠雨腳下循州從此捫蘿去青天倚二樓

冲虛觀

我尋鮑公履因之登翠微仙人不可見海燕西南飛灌木  
蟠長根清樾當門扇洞中自昏晝日月安所歸噴蛭四百  
峰高下相因依元氣結重雲山雲滂相圍服食寧所願庶

免爲人轡徘徊暝色下  
冷露沾裳衣

招隱橋與周澹園

下馬玩密綠山靜聞激湍與子坐石橋風入青瑯玕是時

望鶴鳴

峰

名虧蔽松林端初日上左蠡氣勢高且寒古人恥

束帶鴻毛視一官遺徽傳今古忱慨誠爲難吾謂守不固

一出良足歎故里有名勝何事他盤桓金庭鬱參差雲氣

張綉紈他年著書畢直去驂青鸞

除日大雪登燕子磯

野梅香入寺門煙雪落亭皋正渺然敢恨新年羈水國誰

能元日看江天干尋翠壁迷僧舍三尺銀花擁畫船篋裏

紅囊茶尙在夜深活火手親煎

李念慈字妃瞻號劬庵涇陽人順治戊戌進士官天門

知縣康熙己未舉博學鴻詞有谷口山房集

錢牧齋曰秦人詩自李空同文太青莫不尤厲用壯  
有車鄰駟鐵之遺聲配膽獨不然行安節和一唱三  
歎殆有薰葭白露美人一方旨意未可謂之秦聲也  
詩話配膽詩絃而婉綽有絃外之音初官河間司李  
漁洋懷人絕句云日華宮北蔓寒煙雅樂銷沈絕可  
憐今日李郎行部去風流  
家在大秦川兼以畫名

朱圉山

我過朱圉山山勢何縹緲丹崖卧橫紋十里行未了塞路  
風沙集冰溪清渭繞雞犬叫雲中人家出樹杪天寒煙不  
上道險壑方窈移神探古蹟流目矚去鳥海內多戰鬪河  
西尙征勦苦爲行遲遲半是憂悄悄雲開西傾青日出伏  
羌曉問奇懷胼胝尋幽披蘿蕙因愛山中靜人世多紛擾

阿壩東山晚眺



騎馬到松岑萬綠渺無數況有一片月挂在西陵樹遙遙  
陟寒坂披榛入廣霧亂山何纍纍陵谷相迴互黃河自天  
來巨波東南注極目俯大荒風沙千里暮海內多戰伐邊  
功競馳騫良馬千隊連士卒百金募聯營臥冰霜轉輸披  
寒露殺傷不足論策名良已誤我來經戰地鬼火照寒素  
黃羊走沙磧飢鷹啄狡兔連峯接渺茫落日邊風怒長林  
振響籟空阿生深懼持觴弔往昔慷慨各相顧寄語嶺上  
兒莫唱丁都護

登太華南峯絕頂謁上清宮還出四眺

衆山祖崑崙五嶽茲雄長峭壁出青雲巍然俯羣象高標  
五千仞三峯石非兩絕羣迴獨尊赴天成孤往窈窕玉女  
祠髣髴巨靈掌竭盡筋力能馴致青冥上短衣謁白帝問

源竚仙仗海雲東南生夕日下林莽偃仰天池側四顧愛  
森爽學仙亦荒唐馳思聊自廣何當營茅茨灑然遺塵網  
秦駐山觀海

秦皇并四海飛劍騁雄略窮極世上欲還希神仙藥長城  
既西築驪山亦東作鞏圖思萬世民生咸蕭索巨橋那可  
成臨望心旁礪輻車載臭腐馳道空寂寞徒令鶴上人太  
笑入寥廓

立春夜感懷

聞道花門信甘州今尙圍城分猶拒戰兵久未成歸刁斗  
連邊動軍書入塞飛客懷無一可愁絕盼春暉

登浮山

絕頂憑誰引蒼藤乍可攀偶然臨福地不信在人間湖水

遙通艇江光日浸山東南百戰後登眺淚潺湲

雲

片片浮雲去愁人正望鄉東風吹汝急幾日到咸陽

松江舟中

松江過吳會一道得安流旭日輕烏動和風細草抽近城  
先見塔入市盡通舟柔鷁春衫把吳娘倚柁樓

懷張少參商於

一官貧劇向商於萬里艱難事簿書直北家音新得否山  
南羣盜近何如秋空劍氣張華宅夜色星文揚子居稍待  
西風溪水落好將佳句付雙魚

春日莊浪看雪

蕭蕭風雪下千巒客裏相看淚不乾欲典羊裘沽好酒卻

愁明日又春寒

九曲亭

九曲亭猶好樊山縱馬嘯人經赤壁水燕帶雪堂泥詞賦  
名空擅川原草自萋潘生遺法在春釀過橋西

廣州除夜

屈指殘今日禁愁又一年已知過少壯不復惜嬋娟海色  
連銅柱江春發木棉殊方累多口迢遞限山川

鄭梁字禹梅號寒村慈谿人順治戊戌進士改庶吉士

授戶部主事歷官高州知府有寒村集

阮芸臺曰寒村以曉行詩得名朱竹垞嘗贈以詩寒  
村元孫簡香動以墨迹示余余和之有云別擬建堂  
尊二老竹垞經義曉行詩簡香因建堂祀兩先生余  
爲書二老堂額秦小峴觀察爲文記之又畫二老重  
逢圖取竹垞別久  
重逢轉傾倒詩意

詩話寒村晚病風去官遂改名風少游梨洲之門文  
有淵源詩亦近梨洲梨洲評其詩曰蒨汰秋水表裏  
霜雪推之甚至

晚村

一卷殘經對好風會心多在晚村中已憑溝澮汚流競自  
覺煙雲色相空古墓敬傾耕犢上野橋低小釣航通年來  
漸洗名根淨惟許前溪鷗鷺同

歸家卽事

暫得離城市歸家事轉清移花乘細雨播種急新晴浪暝  
魚兒出煙濃杏子生村居無俗客隨意聽禽聲

夜泊燕子磯

燕子磯頭看月浪觀音閣上聽風蘆但知意思凌天表那  
記形骸滯客途夜靜鐘聲鳴不斷江長帆影過如無何須

別羨元真子泛宅浮家作釣徒

畫長松呈黎洲先生

峩峩千丈松挺生藍溪側種自新建來根從叢山出聳身  
立雲表枝柯散八極衆芳仰廣蔭攀援各努力中有幽蘭  
姿細草愧弱植瞻望徒慙慙高卑不相及松枝忽下垂一  
朝承顏色何以報長松馨香保貞德

秋晚

斜陽平楚風煙亂新月遙村雞犬微好與鄰翁爭席罷其  
如客邸帶愁歸疏螢暗落青苔井野火孤明白板扉多少  
驚心榮辱事秋江擬付釣魚磯

登樓

久不登樓望江天別樣清朔風寒有色西日照多情木落

山餘骨村空水作聲倚窗看未倦林月一輪明

婁莊曉行

不知長夜不知冬棗堡榆莊走興濃疲馬單車十字路青  
天明月五更鐘寒風自與嚴霜約清氣偏於瘦骨逢今日  
京華肩準息卻嫌人事又環攻

郊城道上

村落無樹木鳥獸無羽毛江淮數百里彌望皆黃茅山行  
入郊城始復見柯條棗色遠蒼鬱柳意寒蕭騷草屋枳籬  
中犬聲時吠吠

江淮日雨雪入山天始晴瀾然千里白照日增光明天無  
片雲黑野無寸草青藐焉余一身有若纖塵停所以古達  
人思與大化冥

病骨衰氣血瘦硬柴一把晨征霜露寒兩腳痛如剛踟躕  
一輿中羨殺蓬門寡難覩茅屋上牛眠土牆下從容指行  
人云是南來者

早發沐陽

立春早起沐陽程衾薄空輿夢不成淺水無橋牽馬渡曉  
星如月照人行

望夫石

萬劫難灰伉儷心舟中過客底愁侵倚門兩載嗟行役知  
比岡頭望更深

毛際可字會侯號鶴舫遂安人順治戊戌進士授彰德  
推官遷祥符知縣康熙己未舉博學鴻詞有松皋詩  
選



詩話鶴舫治春秋著三傳考異與西河同宗西河晚居虎林註易鶴舫集唐人句寄之日懶于街裏踏塵埃林下從留石上苔賢者是兄愚者弟早潮纒落晚潮來門側多有投詩客山翠遙添獻壽杯講易自傳新註義懸知獨育子雲才

渡黃河

晨興理輕策咫尺阻長河是時當伏秋激浪湧嵯峨中流風怒號嘯吸愁鯨鼉同侶皆動色將伯欲如何舟子談笑餘顧視顏愈和揚帆復理楫枕席恬然過始知鎮定力可以靖風波謀事苟若是經營豈在多

仙人沈香船歌

蘆溪山頂

仙人鼓棹空中舉飛上重巖樹桂醕夜深沈醉墮巖前忘卻仙舟在何處七尺寒玉凝紫脂沈香之號恐傳疑波間似有蛟龍護月落澄潭霧起時至今陳迹已千載苔紋蘚

繡生幽采行人日日見仙舟  
仙舟日日見行人改吁嗟乎化  
工奇譎何所無儒生尠見徒驚呼  
君不見昔人鑿井逢簞  
楫年月猶書吳赤烏

冬日游林慮觀珍珠簾

丹嶂何年剖懸流萬仞谿峯晴留古雪  
石怒抱寒霓小徑  
攀藤滑危亭俯樹低天台差共擬翹首石城西

游上黃華寺

半日尋鐘至微茫路可求巖危如欲墜  
水緩不成流草靜  
棲寒鹿林空集暮鳩白雲飛欲盡月上碧山頭

憩蘆溝橋寄洪昉思

九衢車馬地獨向此間行簿領年來事  
漁樵物外情微雲  
浮遠岫曉漏度層城不信清霜苦君聽朔雁聲

晚晴移詩匯卷三十終